



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

2207

891. 99
2 - 15

XVI, 2.

1870

REV. JAMES

S. M. P. U. S.

NEW YORK

1870

1870

40489

207

Հրատարակութիւն Գ. Կաթանի

ՅԵԿ. ՂԱԶԱՐԵԱՆ.

891.99

2-1515

այլ

Ե Ա Դ ' Ա Ս Տ

1001
2269

ՎՕԳ. ՄԷԿ ԱՐԱՐԻԱԾՈՎ

ԵԿՈՒ ՊԱՏԵՐՈՎ

1001



Թ Ի Յ Լ Ի Զ

Տպարան Տ. Մ. Ռոտինեանցի

1904

16.06.2013

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

Հ Ա Մ Բ Ա Մ

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

Дозв. Цензурою. Тифлисъ, 27 Сентября 1903 г.

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ
1903

28 NOV 2011

ԻՐ ԸՄՈՒՄՆՈՅՑ

Ա Ճ Ա Կ Ե Ր Տ Ո Ւ Յ Ի Ն Ե Ր Ի Ն

ՆԻՆՐՈՒՄ Է

ՀԵՂԻՆՍԿԸ

1105 NOV 27

ԳՈՐԾՈՂ ԱՆՁԻՆՔ

ԲԱՐՍԵՂ ԱՀԱՐՈՆԵԱՆ, երիտասարդ վաճառական.

ԼԻԶԱ, նրա կինը, կրթւած եւ զարգացած գեղեցկուհի.

ՎԱՍԻԼ ՂԱՐԱԳԵՕԶԵԱՆ, կիսակիրք եւ փչացած երիտասարդ:

ՄԱԹՈՍ, լռեցի ծառայ.

Առաջին անգամ ներկայացել է Ռաշտում, 1900 թւին:

Ե Ա Դ ' Ա Ս Տ

ՊՈՏԿԵՐ Ա.

Բեմը ներկայացնում է Բարսեղ Ահարոնեանի կոկ և համեստ կահաւորած սենեակը: Աջ կողմը դրած է զորգով ծածկած թախտ, մտխմուր մութաքաներով և զեզեցիկ ասեղնադործ բարձերով: Ձախ կողմը մի մեծ պահարան, որի հանդիսականներին նաչող կողմը ապակիով է ծածկած (պահարանի ներքը կատարածը երեալու համար): Գիմացի պատի վերայ դուռ, այս ու այն կողմը պատահաններ: Ձախ անկիւնում դուռ, իսկ աջ անկիւնում էտաժէրիկա զրքերով և պատկերներով: Պահարանի մօտ դրասեղան, երեսը զէպի հանդիսականները, վերան զրքեր, պատկերներ, թերթեր և լամպայ: Պատերի մօտ, ազատ սեղերում ախոսներ:

ՏԵՍԻՒ Ա.

ԼԻԶԱ առանձին

(Նստած սեղանի առաջ, մերենայաբար թերթերով մի գիրք).

ԼԻԶԱ.—Ես կարծում եմ բոլորովին սխալ է. մարդ եթէ մի անգամ անձնատուր եղաւ մի մոլութեան՝ այլ ևս նրան ուղղելը շատ դժուար է. ոչ թէ կինը, այլ, մեղայ Աստուծոյ, Աստուած էլ չի կարող նրան ուղղել: Ես ևս համոզւած էի, թէ կինը, խոհեմ կինը՝ կարող է իւր ամուսնուն ուղղել, սրչափ էլ նա մոլութեանց մէջ խորասուզւած լինի, բայց դործնականը հակառակն ապացուցեց: Եւ միթէ սա ամուսնական կեանք է. ամբողջ օրերով երեսը չեմ

տեսնում, — առաւօտեան դեռնոր լոյսը բացւած՝
 գնում է կանտոր, ժամի շորսին գալիս է՝ հաց ուտում ու
 քնում, 7-ին վեր է կենում՝ թէյ խմում և եալլահ. ու
 ուր է գնում՝ երևի ինքն էլ չըզիտէ. կէս գիշերից
 անց գալիս է, աչքերը ուռած, դեղնած և մի քանի
 կոշտ ու կոպիտ բառեր ծառայի, երբեմն էլ իմ
 հասցէին շապլելուց յետոյ ընկնում է անկողնի
 վերայ, շատ անգամ էլ առանց շորերը հանելու
 քնում: Եթէ երբ և իցէ շուտ է տուն գալիս, այն էլ՝
 մի քանի սրիկաների հետ, նստում են սեղանի
 շուրջը և մինչև լոյս թուղթ խաղում: Մարդու ա-
 կանջները հարստահարում են, եթէ երբ և իցէ
 նրանց խօսակցութիւնն ականջն է ընկնում. էլ ինչ
 սրիկայական-հայհոյական սրախօսութիւններ, ինչ
 վիրաւորական նկատողութիւններ, ազմուկ, դալմա-
 դալ, ջարդել, փշրել . . . կարծես մեր տունը այդ րօ-
 պէին փոխւած լինի մի սրճարանի: Չըզիտեմ ինչ է
 պատահել այդ մարդուն, սրբան ես նկատում եմ,
 սրբան աղաշում, պաղատում, խնդրում, — նա, կար-
 ծես դիտմամբ, ինձ աւելի պայթեցնելու համար,
 աւելի ես առաջ է գնում: Չըզիտեմ ինչ պիտի լինի
 մեր վերջը: (Լոռութիւն. մտնում է Մաթոսը եւ
 մնում կանգնած, աննկատելի): Աստուծ, երբ
 մարդկանց յոյսը ամեն կողմից կտրւում է, Քեզ են
 դիմում, կամ ինձ մահ տուր, կամ դարձրու Քարսեղիս
 այդ շար ճանապարհից. . .

ՄԱԹՈՍ եւ ԼԻՋԱ

ՄԱԹՈՍ (Յառաջ գալով եւ յետ-յետ քաշե-
 լով) Խանր՛մ, ա՛ խանր՛մ . . .

ԼԻՋԱ—(սթափւելով) Վա՛, Մաթոս, դու ես:
 ՄԱԹՈՍ—Հրաման քեզ, խանր՛մ:

ԼԻՋԱ—Հը՛, ինչ ես կամենում:

ՄԱԹՈՍ—Ոչինչ . . . հըլէ . . . մի բան պտեմ
 ասիլ, հըմա . . .

ԼԻՋԱ—Հը՛, դէ էլ ինչո՞ւ ես կակաղում:

ՄԱԹՈՍ—Դէ, ախըր . . .

ԼԻՋԱ—(Ուշադրութիւնը լարելով դէպի նա)

Հը՛ ինչ է պատահել, մի գուցէ աղէդ . . .

ՄԱԹՈՍ—Չէ, չէ, խանր՛մ ջան, խի՛ ես սրտա-
 ճաք ըլում, աղէն, փառք Աստծու, սաղ-սըլամաթ ա:

ԼԻՋԱ—Դէ ասիլ տեսնեմ, էլ ինչո՞ւ ես քաշ-
 մըլում:

ՄԱԹՈՍ—Ախըր . . . հըլէ ըմանչում եմ . . .

ԼԻՋԱ—(Աւելի եւս յուրջ կերպարանք առնե-
 լով) Ի՞նչպէս . . .

ՄԱԹՈՍ—(Քաշմըլով) Դէ, խանր՛մ ջան, դու
 որ կաս՝ հըլէ իմ մէրն ես, իմ քուրը, իմ ճկատի
 մեռօնը, իմ բէրնի սրբութիւնը . . . Ը՛ . . . Ը՛ . . .

ԼԻՋԱ—Ես ոչինչ չեմ հասկանում:

ՄԱԹՈՍ—Դէ, հըլէ ես էլ մաշդ եմ, ես էլ փա-
 փախ եմ ծածկում, արու ունիմ:

ԼԻԶԱ—է՛, յետոյ . . .

ՄԱԹՈՍ—Եղնայ էլ էն, որ մի Լուսի էր, մի Մաթոս, հրմի ըստեղ նորար եմ էլել, օչով մհալ չի գնում, մըրդատեղ չի գձում:

ԼԻԶԱ—է՛, եղբայր, ես քո սիրտը չունիմ, եթէ մի բան ունիս՝ ասիր, թէ չէ՝ ինձ հանգիստ թող, դուրս գնա՛:

ՄԱԹՈՍ — Խի՛ հս չըրանում, խանըմ ջան, ուզում չես՝ ասիլ չեմ, կէթամ: Զաթի իմ բախտը իմ հետ ա: (Ուզում է դուրս գնալ):

ԼԻԶԱ—Մաթոս, մի գնալ, սպասիր, ես գիտեմ որ դու լաւ տղայ ես, բայց մի բան ասածդ ժամանակ՝ երկարացնում ես, եօթը դևի հէքխաթ չիտում. դէ ասիր տեսներ, ինչ էիր ասում:

ՄԱԹՈՍ—Հն, էն ի ասըմ, որ ես էլ մեր երգըում մի մարդ եմ, ես էլ արուռի, նամուսի տէր եմ, իմ թասլիբս տանիլ չի էզ զայդի բաներ: Մի օր հեռուս բռնած վօխտըս մի բամփաչիկ կըտամ, աչքերի լիսը ոտքերի ազարը կընկնի:

ԼԻԶԱ—Ախար ասիր տեսնեմ ինչ ես ասում, ումը կըտաս, ինչո՛ւ:

ՄԱԹՈՍ—Խանըմ, վալլահ, շատ գէշ մարդ ա:

ԼԻԶԱ—Ախար ո՞վ:

ՄԱԹՈՍ—Ա՛յ, էն «ֆուանդի թազին»:

ԼԻԶԱ — Ֆուանդի թազին . . .

ՄԱԹՈՍ—Հն է, էն որ աչքերը շուշից ա. Աստուած ըթէնց կը քօռացնի է, մեռնիմ նրա վար-

գեահին: Խանըմ ջան, եանի էն Սըբ-Սարգիսը գիղենայ՝ մեզը ա ձեր շէմըը, որ ըթէնց հէյվարէքը տուն են մտնում:

ԼԻԶԱ—Հը, Մաթոս, քեզ ինչ է արել սլարոն Ղարապետեանը:

ՄԱԹՈՍ — Էն, հեռի լըսողանց, հեռիքու ճկատի մեռօնից, ում շունն ա, որ ինձ բան անի. էն ժամը, ձեր ահը շըլի՛ ոտիս տակը կըտամ, ուխ-մոեխը քեպլաջօ կանեմ, ինձ լօուրցի Մաթոս կասեն:

ԼԻԶԱ—(Առանձին) Այս գուհիկը, իւր բոլոր պարզութիւններով՝ հազար անգամ բարձր է իմ Բարսեղից, հազար անգամ աւելի պատաւազգած: (Նըան) Ճիշտ ես ասում, Մաթոս, իսկապէս այժմ մեր տունը հէյվարաների որջ է գարձել:

ՄԱԹՈՍ — 2է, խանըմ, վալլահ, ես դրա ճաշը մի օր էփիլ պտեմ, թէկուզ ինձ կառտօժ տանեն:

ԼԻԶԱ—Երևի, Մաթոս, դու առանձնապէս մի բան ես նկատել նրանից:

ՄԱԹՈՍ — Եա՛, բա ես քեօն եմ, եա հայվան. հա՛յ-հո՛ւ, շորերս ա հին, խեղքս էլ խու հին չի:

ԼԻԶԱ Ասիր տեսնեմ, Մաթոս, ինչն է պատճառ քո այդչափ լարւելուն:

ՄԱԹՈՍ — 2է, խանըմ, դու ըլլես էն Գուկայ Սըբ-Սարգիսը՝ զօւիլ մի, կարալ չեմ ասեմ. էզ զղա համարձակութիւնն էլ մի բան չի, իմ արուռը խու շունը չի կերել, որ քու ըղաքին էրես էզղղա բաց ըլի: Ամա էսզղարն ասեմ, որ դրան մի օր

հլէ թափիկներն տակն եմ տալու, էնդդա կոխ տամ, որ ֆռանցուզէ վար վնգստայ:

ԼիՁԱ—2է, Մաթոս, այդպիսի բան չանես. հօ գիտես, որ աղէդ նրա մօտիկ ընկերն է, էլ ձեռքիցը չես կարող ազատել:

ՄԱԹՈՍ—Խանրմ ջան, քեզանից լաւը չըլի՝ աղէս էլ լաւ մարդ ա, հըմա ափսո՛ւս որ իր խէրըն ու շաւր հըսկանրմ չի, խելքը տւել ա շորս ըչքանի գեաղա-գիւղէնուն: Խանրմ ջան, էնդդդա չըրանում ա վրէս, ուշունցնի ա տալի, վօխտ-վօխտ էլ դուռթմայ ա տալի վզակոթիս, խօսըմ չեմ, դժարս չի գալի, այնըմս գըձըմ չեմ, համա որ էդ թուլունգու հետ տէնում եմ ստօլի կշտին կողք-կողքի նստած, հէնց եմ գիղում ինձ դիւլլով տալիս են: Մի բան էլ ասեմ, խանրմ ջան, աղին ճամբահան անող էլ էտա հա, էտ էլ իմանաս, ես լաւ եմ բըրավուրդ արել: Տըմի դուք գիտէ՛ք:

ԼիՁԱ—Լսիր, Մաթոս, տեղ չերթաս, սպասիր մինչև աղէդ կըգայ, թէ չէ՝ էլի դալմաղալ կըսարբի: Այդ վառարանն էլ վառի, -- թող խօսելու առիթ չըգտնի: Եթէ կը հարցնի, ասիր՝ ես երկար սպասեցի նրան չեկաւ, մտածեցի՝ գուցէ ուրիշ տեղ է ճաշի, ես գնում եմ մի փոքր հանգստանամ: (Դուրս է գնում):

ՏԵՍԻԿ Գ.

ՄԱԹՈՍ առանձին

ՄԱԹՈՍ — չա՛յ քօռանաս դու, որ քօռացել ես: չլէ մարդ էլ ըսէնց պատւական կնիկը կը թողնու աչքը ճամփին, ինքը լունդ ու լավագնների հետ վէլ-լամիշ կըլլի: Փո՛ւ, փիրըդ անըծւի փնդ, գօռէ-գօռ ըլլի քու մգոնողը: Քանի՛-քանի՛ մարդու էչ ես դարձնում, քանի իշի էլ մարդ: (Կեղծ ծիծաղ) չը՛, հը՛, հը՛ . . . Տօ, բա որ էն ֆռանգի թաղու վրիցը չուլը վէկախունք, շուշէքը աչքերից հանենք, բա մի նօխտա չեմ դնիլ գլուխն ու տանիլ ջուրը, ծարաւ ետ բերիլ: Չըմա հըմի շուլը վրէն ա գձել, մըրդամէջ ա մտել, չիմն էլ բարի լիս են տալի, մըրդատեղ են գնում: Վա՛յ շարիսի ֆալաք, վա՛յ . . . էրնակ մի խօսալ էլ ա իմանայ, ջհանդամը. խամ դօդուղի նման ինքն իրան տրտընգի ա տալի: Վօխտ-վօխտ էլ մարդու հընէնց ա մօտիկ տալի՝ կասես կալիցը փախս տւած աչառ ըլի: Ը՛հ, մի լաւ ուռի ճիպոտ տան ձեռս, ասեն դրան սլար ածի. ձեր արեւը, հընէնց մի արջապար ածեմ, էնդայդի ուլքի թուցնեմ, որ հըսկանայ թէ ուրըշի նամուսին խէթ աչքով մօտիկ տալը, յընգօր օղլուչաղին նամարդութին անիլը սըն ա: (Գնում է փայտ ընրում եւ լցնելով ըուխարը, մի ծնկով չորում է): Աղէս, դորդ ա, շար ա, տղամարդ մարդ ա, հըմա իմանում չի էդ օգոստոսի մազը թափած աղէսի միտքը . . . թէ կիմանա՛յ . . . Ամա սըրդիան իմանայ է՛, քանց Քրիստոսի էչը միամիտ ա:

Խանըմս էլ միամիտ ա. հրմա ես իմ ֆոզին՝ սուրբ ա,
սուրբ: Ասում են ուսում առած կնանիքը ըրեսրաց են
ըլում, հրմա սո՛ւտ ա, թէ որ չիմն էլ ըսէնց են:
Եանի, Աստուած ոչ անի, մենք որ սրա մարդի արածը
մին օր անենք, ըստաս մեր կնանիքը մեզ տուն էլ չի
թողուն: Էվալլա՛ կնիկ, էսզըդա էլ համբերութիւն:
(Դուռը թխկացնում են ռոսից) Վա՛, էս ով ա
առանց զանգը քաշելու տուն ա էկել: (Ներս է
մտնում Վասիլ):

ՏԵՍԻՆ Դ.

ՄԱԹՈՍ և ՎԱՍԻԼ

ՎԱՍԻԼ—Ը—էյ, ա՛յ տղայ, ազէդ տանը չի:

ՄԱԹՈՍ Իմ անըմը Մաթոս ա . . .

ՎԱՍԻԼ—Հ՛ը, ապուշ, քեզ բան եմ հարցնում,
Մաթոս ա թէ Թաթոս՝ իմ գործը չի, ը՛ . . .

ՄԱԹՈՍ (Կողմ) Թէ ասըմ եմ բռնեմ մի լաւ
ըլօլե՛մ, նալլաթը քեզ շար սատանա՛յ:

ՎԱՍԻԼ—Հ՛ը, ի՛նչ ես մըթմըթում, է՛յ, աւա-
նակ:

ՄԱԹՈՍ—Նալլաթը քեզ շար սատանա՛յ . . .

ՎԱՍԻԼ Է՛յ, ապուշ, չիս հասկանում, ազէդ
տանը չի, սրտեզ է խանումը:

ՄԱԹՈՍ—Է՛յ, բերնիզ գետրա խօսե՛ս, քու ի՛նչ
բանն ա, թէ խանըմըս որդի ա, ազին ես հար-
ցնում տանը չի:

ՎԱՍԻԼ—Հ՛ը, պատասխան տուր, յիմար:

ՄԱԹՈՍ—Է՛յ, ես քեզ ասըմ եմ արուսովդ

աւղ ըլես ըստիանց, հէրիք ա էս տան մէջը զըլ-
մազալ գձես, մարդ ու կնիկ իրար աչքից հանես . . .

ՎԱՍԻԼ—Դա՛, այդ խանումիդ սարքածն է, այն,
այն, այն, հասկանում եմ. շատ լաւ, շատ բարի,
տրէ բիէն. ես այդ բոլորը ազայիդ կասեմ և վաղն
և եթ քեզ, պարսն աւանակ, այստեղից դուրս կը-
վռնդեն: (Դուրս է գնում):

ՄԱԹՈՍ—Նալլաթը քեզ շար սատանա՛յ . . .
«Խանումըդ սրտեզ ա», դալաթներին մտիկ արա: Մէկ
ասի՛ բռնի տորի՛, մէկ էլ ասի՛ լաւութիւն չունի,
կաց մի ազին էլ հրսկացնեմ բանի էութիւնը, եզ-
նայ: (Ներս է մտնում Լիզա):

ՏԵՍԻՆ Ե.

ՄԱԹՈՍ և ԼԻԶԱ

ԼԻԶԱ—Մաթոս, այն ո՛ւմ հետ էիր խօսում:

ՄԱԹՈՍ—Ես ի՛նչ եմ գիզըմ, խանըմ ջան,
էլի էն ֆռանգի թազին էր. էկել ա ինձ հետ մեր
տանը մէջ կռիւնն ա տալի:

ԼԻԶԱ—Ի՞նչպէս թէ կռիւս է տալի:

ՄԱԹՈՍ—Ես ի՛նչ եմ գիզըմ. ասըմ ա խա-
նըմդ սրտեզ ա. տօ, թուլն, դու խանըմի թայն կս,
եա խանըմի հետ ի՛նչ գործ ունիս:

ԼԻԶԱ—Յօ շանպատեցիք, Մաթոս, գուցէ ա-
սելիք ունէր:

ՄԱԹՈՍ—Ի՞նչ ասելիք, խանըմ ջան, հեռի խո-
զանց, նա ո՛ւմ չունն ա, որ քեզ ասելիք ունենայ: Քեզ

տողրուսի, խանրմ, իմ գլուխը վէ չի կախուլ, որ դու ըթէնց լաթը-լուծի հետ խօսաս:

ԼԻԶԱ - Բայց, Մաթոս, քաղաքավարութիւնը պահանջում է մարդկանց կանոնաւոր կերպով ընդունել և քաղաքավարի ճանապարհ ձգել:

ՄԱԹՈՍ - Խանրմ ջան, ես որ մի տան մի կտոր հաց կէրայ, էն տան նամուսն էլ իմն ա, ես էն տան օղուշաղին իմ մէր ու քւորից ջրգիլ շեմ: Ել քաղաքագութիւնը-զաղը գիղըմ շեմ: Ես տէնըմ եմ, որ էդ մարդը լաւ մարդ չի, ուզում չեմ հըլէ որ իմ տունը մտնի: Ասած ա՛ նամուսը գձեցին շան ըղաքը, կէրաւ ո՛չ: Հըմի դուք էք իմանըմ: Ես աղին էլ մի քանի խօսք պտեմ ասիլ, թէ որ լսեց, խու լաւ, թէ՛ լսեց ո՛չ—ես էստեղ կարալ չեմ կէնամ:

ԼԻԶԱ (կողմ) Գոհեհիւթիւն, բայց և նահապետական սրբութիւն . . . սրբան մարուր և ապականութիւնից ազատ վարք ու բարք ունին սոքա . . .

(Դուրս է գնում):

ՏԵՍԻՆ .Զ

ՄԱԹՈՍ առանձին

ՄԱԹՈՍ—2է, ես ըստեղ կէնալ չեմ . . . Վա՛յ, վա՛յ, վա՛յ, Սողոր-Գորոմ ա էլի: Տօ՛, մարդ էլ մտնի մնի տունը, նրա հետ աղ ու հաց ուտի ու նրան մուխանաթութիւն, անլի: Աղա՛ օփոսոս չի՛ մեր Լօսին ու Ղազախը. էնգուր էք մեր օղորմա-

ծիկ Տէր-Յարութիւնն ասում «որեղ քաղաք ա, ընդեղից Աստօժ ձեռն ա քաշի»: (Բուխարը վառում է) Թէ ասեմ խանրմս հըսկանում չի ֆռանգի թագու միտըր, —դէ ես ասի էլի, դրանից պարզըն էլ ի՛նչ ասեմ: 2է . . . հըսկացաւ . . . ամա դէ բա խի չի մարդին ասըմ . . . է՛հ, դէ ես ի՛նչ եմ իմանում սրանց բաները . . . 2է, ես իմ գլխացածն եմ անելու. աղիս պտեմ ասի՛ ըսէնց, ըսէնց, ըսէնց . . . Ա՛խ, մէ դատաստանն ինձ տայ, ես եմ իմանում թէ՛ ոնց պար կածեմ . . . Ամա չէ, աղէս գըղաղած մարդ ա, ըւտաս սուս ու փուս խանչալը փորը կոխի:

ԲԱՐՍԵՂ - (Դրսեց) Մաթոս, ա՛յ տղայ Մաթոս, այ տղայ՝ ո՛ւր ես կորել:

ՄԱԹՈՍ — (Մի փոքր սյլայլաւած) Էկաւ, հըմի անմեղ տեղը կըբաշլայի ուշունցնին:

ԲԱՐՍԵՂ — (Մտնելով) Ա՛յ ոչ ու փուշ, խլացել ես . . .

ՄԱԹՈՍ - (կողմ) Էս էրկու ուշունց: (Երան) Աղա՛, ես հըլէ բուխարը . . .

ԲԱՍԵՂ - Չայնդ կտրի, յիմար, հիմա կսկսի երկար ու բարակ պատմութիւններ անել:

ՄԱԹՈՍ - Այսլ . . .

ԲԱՐՍԵՂ Ի՛նչ այո՛, ապուշ:

ՄԱԹՈՍ - Ո՛չ:

ԲԱՐՍԵՂ—Խելագարուել է այս մարդը: Ի՛նչ ես յիմար-յիմար այո՛-ներ ու ոչ-եր շոայլում, իսկի՛

հասկանում ես ասածդ, սարի արջ: ՄԱԹՈՍ—Ես էլ եմ կրակն ընկել, ադա ջան, «այո՛վ» եմ ասում, չըրանում ես, «ոչ» եմ ասում՝ չըրանում ես, ուրիշ բան եմ ասում՝ թողում չես թէ խօսամ, ես սր ջուրն ընկնեմ է՛: ԲԱՐՍԵՂ—Ջհանդամի վերի պուճական ընկիր: ՄԱԹՈՍ—Այո՛վ: ԲԱՐՍԵՂ—Դարձեա՛մ: ՄԱԹՈՍ—Ո՛չ: ԲԱՐՍԵՂ—Չօռ ու ցաւ, դուրս կորի: ՄԱԹՈՍ—(կողմ) Թամամ ընկնաւոր ա աղէս (ուզում է դուրս գնալ): ԲԱՐՍԵՂ—Լսիր, է, բռի արջ, այստեղ արի: ՄԱԹՈՍ—Չէ, էլի վզատակիս դուռթու ա տալու: Եա՛ Սըրբըհան . . . (յետ է գալիս): ԲԱՐՍԵՂ—Լսիր, խենթուկ, քեզ մի բան եմ հարցնելու, թէ ուղիղը չես ասել՝ շանսատակ եմ անելու, հասկացա՛ր: Խանումդ այսօր տանից դուրս է գնացել: ՄԱԹՈՍ—(կողմ) Էրազ ա տէհել: (Նրան) Խի չես իրան հարցնում, ադա: ԲԱՐՍԵՂ—Չայնդ կտրիր, հայվան, այդ իմ գործս է: ՄԱԹՈՍ—Ես առաւօտը հըլէ գնացի բաղար, մի քիչ միս, կանաչի, հաւ . . . ԲԱՐՍԵՂ—(մօտենալով եւ թեթեւ զարկելով վզատակին) էլի սկսեցիր եօթը տարւայ պատմու-

թիւններ անել. ինչ-որ հարցնում եմ՝ «այո՛» կամ «ոչ», թէ չէ՛ հօգիւզ կը հանեմ: Խանումդ այսօր կէսօրի ժամանակ տանից դուրս չէ գնացել: ՄԱԹՈՍ—Ո՛չ: ԲԱՐՍԵՂ—Դու հաստատ գիտես: ՄԱԹՈՍ—Այո՛վ: ԲԱՐՍԵՂ—Սնու ես ասում, իմար: ՄԱԹՈՍ—Այո՛վ: ԲԱՐՍԵՂ—Դարձեա՛մ սկսեցիր կապիտէթիւններդ: ՄԱԹՈՍ—Այո՛վ: ԲԱՐՍԵՂ—Քեզ բան եմ հարցնում, «այո՛վ»-ներով ու մըսկսծիր ինձ: ՄԱԹՈՍ—(Կողմ) Նալլա՛թ քեզ չար սըտանայ: (Նրան) Ախրը, ադա, ոչ թողում ես մըրդալարի խօսամ, համէլ չորքմ ես բողասիս, թէ խօսիր, սրն անեմ, մլորւելեմ: ԲԱՐՍԵՂ—Խօսիր, ապուշ, միայն մի բան ասիր, որ մարդ բան հասկանայ: ՄԱԹՈՍ—Ադա, քս աղիզ արեը՝ ըսօր խանըմը տանից դուս շի գնացել. չէլ հըմի քու ճամվէն էր պըհում: (Կողմ) Պտեմ ասի, թէկուզ մի լաւ քեօթակ էլ տայ: (Նրան) Եանի, ադա, խի՛ ես էդ խեղճ խանըմին էգըղգա նալնըմ ու մխըմ: ԲԱՐՍԵՂ—Չայնդ կտրի, անասուն, այդ էր պա-կաս, որ իմ ընտանեկան գործերիս մէջ էլ խառնես: ՄԱԹՈՍ—Թէկուզ, ադա, վէ կաց մի քանի թանթուլ էլ տուր գլխիս, հըմա ասիլ պտեմ: Վալլա՛, էն



Երբ
Երբ
Երբ

Սըրկակօրը՝ մեր խանըմի թայը օղլուշաղ չըկայ, դու
գնւր ես խալիսի խօսքով ընկնում:

ԲԱՐՍԵՂ—Չայնդ կտրիր, իղիօտ . . . վերկա-
ցայ ոտիս տակը կըտամ՝ շանսատակ կանեմ: (Կողմ)
Նշանակում է ճիշտ էր ասում Ղարազեօղեանը, թէ
այս մեր տիկինը ծառային կաշառել է: (Երան)
Ուրեմն այսօր խանումդ տանից դուրս չէ՞ եկել.
ամեն օր կէսօրի ժամանակ տանից դուրս չէ՞ գնում և իմ
գալուս միջոցները վերադառնում:

ՄԱԹՈՍ—Յըլէ դէ ես . . .

ԲԱՐՍԵՂ—«Յըլէ»-ներդ մի կողմ թող և կանոնա-
ւոր պատասխանիր:

ՄԱԹՈՍ—(Անհանգիստ) Աղա, ճըլէ ես ճաքա՛յ,
ախըր մի թող խօսամ է՛:

ԲԱՐՍԵՂ—Դէ խօսիր, խօսիր, տեսնեմ դարձ-
եալ ինչ . . .

ՄԱԹՈՍ—Աղա, դու ֆողիս (ցոյց տալով կո-
կորդը) ըստեղս հասցրիր . . .

ԲԱՐՍԵՂ—Ուղիղն ասիր, Մաթոս, թէ չէ,
Աստած վկայ, բէվօլվէրի վեց գնտակը միանգա-
մից կուրծքդ կըլցնեմ:

ՄԱԹՈՍ—(Համարձակօրէն) Գիտես, աղա,
մենք լօրըցի ենք հա՛, ուրբօլ շատ ենք տէհել: Բացն
ասեմ՝ ոչ ըմանչեմ, մը քիչ . . .

ԲԱՐՍԵՂ—Այս ապուշն էլ լեզու է ունեցել, հա-
մարձակութեանը նայեցէք . . .

ՄԱԹՈՍ—Աղա, ճըլէ մը քիչ օրինաւոր, թահրին

խօսիր՝ ջուղաբղ տամ, թէ սուտ ասեմ՝ զլուխս կտրի:
Ես ճըլէ էս տանը որ կէնում եմ՝ խանըմի խաթրուս:
ԲԱՐՍԵՂ—Խանումի խաթրու . . . (գարմա-
ցած նայում է):

ՄԱԹՈՍ—Յըլէ հէնց հա . . . խանըմին ես ճըլէ
իմ մօրից ու քւորից շատ եմ ուզում:

ԲԱՐՍԵՂ—(Կողմ) Տեսնենք ինչ է ասում այս
սարից եկածը, կարծես լրջութիւն է ստանում:

ՄԱԹՈՍ—Աղա ջան, ճըլէ տուր ձեռդ պաշեմ,
ճըմա թող ինձ մի քու ըղաքին սիրտս դըրդակե ,
եղնայ, թէկուզես, էլ էս քաղաքը հառամ ա կացել
ինձ:

ԲԱՐՍԵՂ—Ասիր, ես լսում եմ, ասիր տեսնենք
ինչ ես ասում: (Կողմ) Ինձ թուում է, թէ սա էլ
խելք ու բանականութիւն է ունեցել:

ՄԱԹՈՍ—Աղա, ես իմանք եմ էն ֆուանդի
թաղին ա բու ու խանըմիս արալուղը խառնըմ
իրար:

ԲԱՐՍԵՂ—Ո՞վ . . .

ՄԱԹՈՍ—Գու ըլլես էն Սըր նիշանը՝ խօսք
խառնիլ մի, թող խօսքս վերջացնեմ, ըլի ոչ որ
խօսքիս տուտը կորցնեմ . . . Ես իմանք եմ, ես
լաւ բըրաւուրդ եմ արել, խու հայվան չեմ. նրա
տունն Աստօժ քանդի, ոնց որ ուզըմ ա ձեր տու-
նը քանդել: Աղա, քեզ դօզրուսի, էդ մարդի միտքը
չար ա, ուզըմ ա ջուրը պղտորի, որ ինքը ձուկը
ֆորսայ: Յըմա խանըմս, աղա, էն Աստօժու անըմը

սուրբ ա, սուրբ: էս մէ կը որ տարի ա ըստեղ նօ-
քար եմ, ես իմ մօրս ու ըւորս վըրայ կարամ բան
ասիլ, հըմա սրա վրայ՝ լիզուս կը կապելի, Զարարի
պատանձու՞մը կառնի: Աղա, ես ու իմ ֆոզին, ես
ու իմ Աստօծը, ժամ, պատարազ, օրէնք, սրբու-
թիւն, ըսէնց կնիկ ըլիլ չի, լիս ա, թամամ լիս . . .
ինչ որ քեզ ասըմ են՝ զուր ա, Քրիստոսի ձեռին
բեռն են մեխըմ: Մի բան էլ . . .

ԲԱՐՍԵՂ (*Կողմ*) Այս տղայի խօսքերից գռեհ-
կահան անմեղութիւն և անկեղծութիւն է բուրուս:
(*Չտոքի վերայ կոթնած լսում է*):

ՄԱԹՈՍ — Մի բան էլ ասեմ, աղա.— էդ Փռան-
գի թաղին, ըսօր, մի քանի վօխտ ըզաք էկել ա
մեր տուն, խանըմին ա հարցնըմ. քեզ դօղրուսի՛
չատ աջոս էկաւ, չտոքի ես բըրաւուրդ եմ անըմ,
որ քեզ ու խանըմիս իրար խառնողն էդ ա. համէլ՝
մեզը ա իմ խանըմը, որ ըթէնց չնեղու հետ բէ-
րան-բէյնի տայ՝ խօսի: Դէ, ախըր, աղա, գուր մեզ
ախմախ, էշ էք հէսաբում, հըմա մենք էլ մարդ ենք,
հաց ենք ուտըմ, խոտ հօ չենք ուտըմ: էդ Ալա-
բաշը մի կռնից քեզ ա զլըմ խանըմիս դէմ, մի
կռնից էլ ուզըմ ա՛ խանըմիս հետ դօստանայ —
ըւատաս ուզըմ ա նրան էլ զլի քու դէմ . . . Հըմա,
ես մեռնիմ խանըմիս գլխին, նա իր արուստին ու
հայիտվը տասն հընենց ծռտիկներու մէյմունի պէս
պար կածի ու վրէնեղուն թքիլ չի: Դէ, աղա ջան, ես
իմն ասի, էգուց լուսարացին ես ճամփայ եմ ընկնըմ

մեր գեղը . . . էլ հըզար թուամն էլ տուղ ըլի,
հառամ ա կացել ինձ էս քաղրի հացը: (*Դուրս է
գնում*):

ՏԵՍԻԼ Է.

ԲԱՐՍԵՂ առանձին

ԲԱՐՍԵՂ—(*Ետըը մտածմանց մէջ*) Հը . . .
գուցէ . . . բայց . . . Միթէ ես աւելի յիմար եմ
այդ բռի գեղջուկից. միթէ նա աւելի հեռատես
է . . . միթէ նա աւելի լաւ է կարողացել ճանա-
չել իմ կնոջս . . . Ո՛չ, ո՛չ, Ղարագեօղեանը չէր
կարող խաբել ինձ. և ինչն էր ստիպում նրան:
Միթէ նա կարող է այդքան բաներ իրենից հնարել:
(*Ետը մտածմանց մէջ խորասուզած — լռութիւն*)
Այո, այո, Ղարագեօղեանը ճիշտ էր ասում,—կի՞նս և
Ամբարդանեանը ինչ-որ կապ ունին իրար հետ և
ամեն օր ինձանից ծածուկ տեսակցում են. հէնց
այսօր էլ իրար հետ տեսնել են, ամեն օր են
տեսնուում . . . Ես էլ այդ նկատում էի արդէն. և
անցեալ օր որ մենք կառքով դնում էինք՝ ինչպէս
կանգնեց զինուորի նման տրօտուարի վերայ և սի-
րալիր կերպով բարևեց. ես մինչև անգամ նկա-
տեցի այն խորհրդաւոր ժպիտը, որ բարևելու ժա-
մանակ փոխանակեց սորա հետ:—Եւ այս սարի
արջը, այս գռեհիկ անասունը՝ իւր տափակ ուղե-
գով կամենում է անկեղծ ձեանալ ու իբր ցրել իմ
կասկածներս . . . Աիշտ էր ասում Ղարագեօղեա-

նը, ճիշտ էր ասում, որ անդգամը ծառային, այդ սարի արջին էլ է կաշառել. և ողորմելին չի հասկանում, որ դա միայն արջի ծառայութիւն կարող է մատուցանել նրան, — փոխանակ կասկածներս ցրելու՝ աւելի ևս կասկածների նորանոր ասիթներ պիտի տայ: Ի հարկէ, ինչ էլ լինի՝ չէ՛-որ Արարգեօղեանը չորս տարի Փարիզում հոգեբանութիւն է ուսումնասիրել. էլ ինչ հոգեբան կլինէր, եթէ չկարողանար այս լուսեցի յիմարի ներքին աշխարհը թափանցել: (Հոռութիւն) Ի՞նչ պիտի լինի իմ վերջս. ես կըրցնորեմ, կըխելազարեմ: Անամօթնե՛ր. . . Նւ իրանց կեղտոտութիւնը ծածկելու համար՝ թոյլ են տալիս մի պատուական, մի ազնիւ երիտասարդի ամբաստանել, զրպարտել . . . չէնց ապուշի ասելու ձևից էլ երեւում էր, որ սուտ է ասում. իբր թէ՛՝ Արարգեօղեանը եկել է այստեղ և ուզել է ամուսնու տեսնել: Նա, որին ուժով եմ բերում մեր տուն, որը զգանքով է տեսնում ամուսնու երեսը, որը շարունակ կրկնում է. «Յարսեզ, դու չըլինէիր, եղբայրս լինէր, եթէ այդպիսի կին ունենար՝ յաւիտեան նրա շէմքից ոտք չէի ներս դնիր», յանկարծ, իբր թէ այդ տղան եկել է այստեղ և ուզել է նրա հետ տեսակցել: Ստո՛ր զրպարտութիւն: (Հոռութիւն) Ի՞նչ անեմ . . . վերցնեմ ատրճանակս և երեք գնտակ սորա, երեքն էլ Ամբարդանեանի կրծքում դատարկեմ, թող ինձ Սիբիր տանեն, թող ինձ կախազան բարձրացնեն, հօ կասեն մարդը նամուսով, պատուով

մարդ էր, իւր նամուսին զո՛հ գնաց . . . (Հոռութիւն) Ես արժանի եմ. կրիր, ապուշ, տանր, աշխարհի մէջ խաղընխայտառակ եղիր, թող թրե՛ն երեսիդ, թող ամեն կողմից մատով ցոյց տան և քրթմնջան. քեզ սով էր ասում ամուսնացիր, քեզ սով էր ասում գեղեցկութիւնից աչքերդ կուրացրու և գնայ ցեխի ու անդունդի մէջ գլորւիր . . . Մի՛թէ այնպիսի դարումն ենք ապրում, որ կարելի լինի մի աղջկայ, մի կնոջ հաւատալ և նրա պատիւը, նրա նամուսը մեր պատւի հետ կապել. այդ չի՛ նշանակում արդեօք՝ մի ապառաժի հետ կապել և ծովն ընկնել: Գամ՝ գնա՛, գտիր մի տղէտ, պարզ, մաքուր, աղբատի աղջիկ և նրա հետ կապւիր, կապւիր այնպէս, որ նա ամեն միջոց, ամեն հնար գործ վնի՛՝ այդ կապն ամուր պահելու, որ ոտքերդ փաթածի, ձեռքերդ լիդի, որ իրեն քաղցած փորը կշտացրեր: Չես արել, գեղեցկութեան, գիտութեան, զարգացման ետևից ես ընկել, — դէ հիմա՛ ջանքդ դուրս գայ, տանր, տանջւիր, ի հարկէ քեզ կարհամարհի, քեզանից լաւերը կորոնի . . . Անիժէր այն օրը, որ դրան տեսայ, անիժէր դրա ծնունդը, անիժէի և ես, չըծնէի և այս խայտառակութեան մէջ չընկնէի . . . (Մտածմանց մէջ խորասուզած):

ՏԵՍԻՆ Ը.

ԲԱՐՍԵՂ ԵՎ ԼԻՋԱ

ԼԻՋԱ (Մտնելով լուրջ) — Օհ, Բարսեղ, եկե՛ր
ես: Պարոն Ղարազեղեանին չըտեսա՛ր. նա քեզ
էր որոնում:

ԲԱՐՍԵՂ — Ղարազեղեանը:

ԼԻՋԱ — Այն, մի ժամ առաջ այստեղ էր, քեզ
է հարցրել և երբ իմացել է տանը չես, ուզել է
ինձ հետ տեսակցել, բայց մեր յիմար ծառան ոչ
միայն ինձ լուր չի տւել, այլ՝ մի քանի յիմար-յիմար
բաներ էլ է դուրս տւել: Լսիր, Բարսեղ, տեսնելիս
ներողութիւն խնդրիր այդ պարոնից, որ ծառան
նրան վերաւորել է:

ԲԱՐՍԵՂ (Շփոթաբար) — Ո՛վ է վերաւորել:

ԼԻՋԱ — Ծառան, Մաթոսը: Պարոն Ղարազեղ-
եանն երբ իմացել է դու տանը չես, ուզել է ինձ
հետ տեսակցել. էս մեր լուրջին էլ պատասխա-
նել է՝ «Ժամնումի հետ ինչ գործ ունիս»: Յիմարը:
Հասկացրու այդ պարոնին, որ չըպիտի նեղանալ մի
գոհհիկ զիւղացուց, որի մէջ հոգի ու մարմին է
դարձել, թէ օտար կլինը օտար տղամարդու հետ
առանձնակի չի խօսակցիլ: Եթէ ես էլ տեսնեմ այդ
պարոնին՝ անձամբ ներողութիւն կըլինդրեմ:

ԲԱՐՍԵՂ — Պարոն Ղարազեղեանը այսօր մեր
տունն է եկել:

ԼԻՋԱ — Ես ասացի արդէն. մի ժամ հազիւ լինի:

ԲԱՐՍԵՂ — Գու ինքդ տեսա՛ր նրան:

ԼԻՋԱ — Ես ներս մտայ այն բայէ՛ն, երբ նա
ուտըը նոր շէմքից դուրս էր գրել. ուզեցի պատու-
հանից յետ կանչել, բայց . . .

ԲԱՐՍԵՂ — Էլ ինչ բայց . . .

ԼԻՋԱ — Իսկապէս ես այդ պարոնին չեմ հա-
մակրում: Նա խօսակցութեան ժամանակ այնպիսի
յիմար ձևեր է գործ դնում, այնպիսի դէմքի շար-
ժումներ, որ ոչ մի պատուաւոր կին չի համակրիլ:

ԲԱՐՍԵՂ — Մի՛թէ աւելի վատ ձևեր, քան
Ամբարդանեանը:

ԼԻՋԱ — Օհ, Բարսեղ, մի համեմատիր, նա շատ
ազնիւ, շատ պատուական երիտասարդ է, երևի դու
լաւ չես ճանաչում նրան:

ԲԱՐՍԵՂ — Երբէք էլ չէի ուզիլ ճանաչել . . .

ԼԻՋԱ — Ինչո՞ւ . . .

ԲԱՐՍԵՂ — Բայց մի՛թէ դու լաւ ճանաչում ես
պարոն Ղարազեղեանին:

ԼԻՋԱ — Աստուած մի արասցէ:

ԲԱՐՍԵՂ — Ինչո՞ւ:

ԼԻՋԱ — Ինձ թուում է, Բարսեղ, շքեղանաս և
հայհոյանքերդ սկսես, նա մի փշացած սրիկայ է.
Ես այդ վաղուց նկատել եմ, բայց ինչ անեմ, որ
դու իմ լեզուս և իբրաւունքներս կաշկանդել ես:

ԲԱՐՍԵՂ — Թէ նրա այստեղ գալը քեզ հաճելի
չէ՛, այդ էլ ես վաղուց եմ նկատել . . . Եւ ինչն է
քեզ առիթ տւել նրան փշացած և սրիկայ կարծե-

լու. չէ՞ որ սրիկայ անւանելով իմ ընկերիս, տիկին, մի և նոյն է թէ ինձ էլ էք սրիկայ անւանում:

ԼԻՉԱ—Լսիր, Բարսեղ, այս վեց ամսւայ ընթացքում ես կարօտ եմ մնացել քեզ հետ նստելու և մի լուրջ խօսելու. մեր խօսակցութիւնը եղել է կռիւ, հայհոյանք և ուրիշ ոչինչ: Եթէ ուզում ես լուրջ խօսել՝ ես պատրաստ եմ, իսկ եթէ դարձեալ պիտի սկսես զորգօւալ, հայհոյանքներ թափել, — աւելի լաւ է լռեմ և ներքուստ այրելիմ ու տոչորելիմ, մինչև մոխիր դառնամ: Ես դժբախտ եմ, Բարսեղ, դժբախտ . . .

ԲԱՐՍԵՂ. — (Կողմ) Կարծես խանում ու ծառայ խօսք մէկ են արել այսօր լուրջ խօսելու: (Նրան) Ես պատրաստ եմ ձեզ լսելու, տիկին:

ԼԻՉԱ (Աչքերը սրբելով) Ես քո մէջ, Բարսեղ, չէի ուզում գտնել մի ամուսին, որ թոյլ տար իրեն ինձ հետ «լուր»-ով խօսելու: Այդ հէնց բաւական է՝ ցոյց տալու մեր ամուսնական կապի խախտտ հանգոյցը: Ես երազում էի ընտանեկան այնպիսի մի սէր, այնպիսի մի անկեղծութիւն, այնպիսի անձնւիրութիւն, որ իրապէս երկուսիս ներկայացնէր մի սիրտ, մի հոգի: Ես երևակայում էի՝ թէ սիրող ամուսինների սրտերի բարբախումն անգամ նոյնանման կըլինի և թէ նորա կզգան միանման, կըմբռնեն նոյնանման և այն ինչոր մէկի համար բարի է, լաւ է, ցանկալի է՝ նոյնը և միւսի համար, ընդհակառակն՝ այն ինչոր ատելի, զգուցի է մէ-

կի համար՝ նոյնը և միւսի: Ես այսպէս էի ըմբռնում ամուսնական կեանքը, այժմս էլ նոյնն եմ կարծում երջանիկ ամուսնութեանց վերաբերմամբ. բայց մեր ամուսնական կեանքը չբաւական է իմ յոյսերս, իմ երազներս ու բաղձանքներս: Մենք դժբախտ ամուսիններ ենք, Բարսեղ, և մեր կեանքը թշւառութեան է մատնւած:

ԲԱՐՍԵՂ. — Երևի այդ բանում դու կամնում ես ինձ մեղադրել:

ԼԻՉԱ—Ո՛չ, երբէք . . . Ես քեզ էլ չեմ մեղադրում, որովհետև զգում եմ, որ դու էլ նոյնքան տանջւում ես՝ որքան ես, գուցէ դու աւելի դժբախտ ես զգում քեզ: Այստեղ, ես երկա՛ր մտածելով, եկել եմ այն եղբակացութեան, որ ոչ ես եմ մեղաւոր, ոչ էլ դու. մեղաւորը այն հասարակութիւնն ու նորատղեղ և զգուցի բարբերն են, որի մէջ ենք և մենք: Մեր հասարակութեան բարբերը ապականւած են և այդ ապականումը կայանում է նորանում, որ մենք թողել ենք հին-նահապետական բարբերի լաւ կողմերը և ընդունել՝ նոր-եւրոպական կեանքի տգեղ կողմերը. այդպիսով երկու կեանքի տգեղութեանց մէջն ենք խարխափում մենք: Կորցնելով նահապետական սուրբ և միամիտ բարբերը՝ մենք նորանց տեղ դրել ենք եւրոպականի արտաքին և ձևական մասը միայն. այդպիսով յօրինել ենք նոր կեանք, նոր բարբեր, որոնք երբէք չեն կարող ընտանեկան երջանկութիւն յառաջացնել:

ԲԱՐՍԵՂ—Խնդրում եմ մի քիչ պարզ խօսիր:

ԼԻՋԱ—Ասածներս կարծում եմ բաւականին պարզ են: Եւրոպացիք ընտանեկան ազատութիւն են վայելում, որովհետեւ օրինորդ և երիտասարդ միմեանց շատ լաւ ճանաչելուց յետոյ միայն կապում են ամուսնական կապով և այնուհետեւ կեանքը ազատ լինելով՝ իւրաքանչիւրն ամուսիններից վստահ միւսի վերայ՝ թողնում է նրան կեանքի մէջ. ոչ մի միջոցէպ չի պլտորում ամուսիններից մէկի միտքը՝ դէպի միւսը. ճանաչում են միմեանց, վստահ են իրարու:—Բայց մենք՝ կեանքի ազատութեան արտաքինը ձեռք ենք բերել, միջոց ունինք օտարների հետ ասելու, խօսալու, ծիծաղելու, բայց բարոյականը չենք ձեռք բերել,—ամուսնացողները միմեանց հետ ծանօթանալու, միմեանց քնաւորութիւն, վարք ու բարք ուսումնասիրելու մասին չեն էլ մտածում. և այդ է պատճառը, որ ամուսնութեան երկրորդ-երրորդ օրն իսկ՝ կասկածը մտնում է նորակալմ ընտանիքի մէջ և ահա հազարաւորների վերայ մի զոյգ դժբախտներ էլ աւելացան . . .

ԲԱՐՍԵՂ—(Կողմ) Ա՛խ, եթէ սորա հոգին համապատասխան լինէր ասածներին . . . Չարունակիր, ես լսում եմ . . .

ԼԻՋԱ—Այդպէս էլ մենք, Բարսեղ. դու ճանաչում էիր արդեօք ինձ, ծանօթ էիր իմ բնաւորութեան, իմ վարք ու բարքի, իմ հայեացքների հետ. կարծում եմ, որ ինքդ էլ կըխոստովանես, որ «ոչ» . . .

ԲԱՐՍԵՂ—Լա՛ւ, ես երիտասարդ էի, շլացած արտաքինով միայն՝ շքմտածեցի՝ ներքինի—բարոյականի մասին ևս հետաքրքրելի, բայց դու, տիկին, դու որ այդ բոլորը այդպէս վարպետութեամբ ճառում ես, դու ինչո՞ւ շքմտածեցիր այդ բանը:

ԼԻՋԱ—Դու երիտասարդ էիր, իսկ ես ծեր էի. ես էլ նոյն կերպ՝ բաւականացայ արտաքինով միայն: Բայց ինչո՞ւ, մեր մէջ մի սովորութիւն էլ կայ, . . . ծնողները հետաքրքրում են սրան-նրան հարցնելով . . . Այդ էլ մեր ծնողները կողմից մի կեղծ պատրուակ, մի միջոց է՝ ապագայում պատասխանատուութիւնից ազատելու, իրենց արդարացիելու համար:

ԲԱՐՍԵՂ—Ներողութիւն, տիկին, անցեալում նոյնքան աւելի անհետաքրքիր էին. անցեալում շատ անգամ ամուսիններ իրար երես պսակից յետոյ էին միայն տեսնում, բայց և այնպէս՝ նրանց մէջ չէին կրկնում այն տգեղ երևոյթները, որ այսօր մեղանում կան: Նրանք միամիտ, սրբութեամբ մօտենում էին իրար և սրբութեամբ էլ կապում:

ԼԻՋԱ—ձիշտ է, Բարսեղ, ես արդէն այդ ասացի: Հէնց այսօր էլ դիւզերում այդ նահապետական սուրբ կեանքն է տիրում. բայց ՚ի նկատի ունեցիր, որ այնտեղ կինը միջոց չունի օտարների հետ տեսնելու, ասելու, խօսալու, ծիծաղելու, ապա ուրեմն և կասկածներ յարուցանելու: Իսկ մեղանում՝ առիթներն անպակաս են . . .

(Մանում է Մաթոսը)

ՏԵՍԻՒ Թ.

Նրանք եւ ՄԱԹՈՍ

ՄԱԹՈՍ—(Մի կտոր թուղթ ձեռքին, կողմ) Աստուած չար աշքից հեռու պահի: (Նրանց) չի էկել եմ հէսարս վերջացնիլ պտեմ:

ԲԱՐՍԵՂ—Ի՞նչ հէսար, այ տղայ:

ՄԱԹՈՍ—Խանրմ ջան, ըսօր մի մանէթ ես տուել, — չորս գրւանրայ միս—40 կապեկ, էրկու գրւանրայ մրկարօն—20 կապեկ, 8 հատ ձու . . .

ԲԱՐՍԵՂ—Ի՞նչ անժամանակ արագաղի նման մութը չընկած կուկլուկու ես կանչում, տօ, դուրս գնա, լաւ, տեսնում ես խօսում ենք:

ՄԱԹՈՍ—(Կողմ) Աստուած համէշա ըթէնց սիրով պահի: (Նրան) 2է, աղա, վալլա, ես պտեմ էթայ, հլէ կարալ չեմ կէնամ:

ԲԱՐՍԵՂ—Տհանգամը գնաս, դէ լաւ, գնա:

ՄԱԹՈՍ—(Կողմ) Նալլաթը չար սըտանի՞ն. . .

ԼԻՋԱ—Չ՛ը, ի՞նչ խարար է, Մաթոս, ուր ես գնում:

ՄԱԹՈՍ—Մեր գեղը, խանրմ ջան, էլ ուզում չեմ նօքարութի՛ն անեմ:

ԼԻՋԱ—Չ՛ը, ի՞նչ է պատահել այդպէս յանկարծակի:

ՄԱԹՈՍ—Չի՛ մի քիչ ըղար ես աղին ասել եմ:

ԼԻՋԱ—(Բարսեղին) Երևի էլի բարկացել ես

վերան, Բարսեղ, չէ՛, լաւ տղայ է մեր Մաթոսը: ԲԱՐՍԵՂ.—Լաւ, Մաթոս, գնա, էգուց կըխօսենք:

ՄԱԹՈՍ—(Կողմ) 2ար աշքից հեռու՝ կակղել ա: ԼԻՋԱ—2է, Մաթոս, ուր պիտի երթաս, դու մեր տան տղէն ես. գնա բանիդ կաց, վաղը աղայիդ հետ կը խօսես, եթէ ուզում ես՝ ոսճիկդ էլ կուեկացնի:

ՄԱԹՈՍ—2է, խանրմ ջան, հլէ ձեր սայից, փառք Աստծու, ես ոսճիկ խօսք չունեմ:

ԲԱՐՍԵՂ—Լաւ, լաւ, էգուց կը խօսենք, այժմ աղատ թող մեզ:

ՄԱԹՈՍ—(Կողմ) Ջան խանրմ . . . օնց ա խամ գոմշի նման ըկանջիցը բռնել, խեղճացրել, հլէ լուծը շիքին գրել: Թէ մի հա՛ւ անեմ, օնց ա խըրտնըմ, սամիքը կոտրատըմ, լուծն էլ ջարդ ու փշուր անըմ, սէլն էլ սարէսար գձում, քարավիներիցը թոլ անըմ: (Խէթ-խէթ նայելով նրանց, դուրս է գնում):

ՏԵՍԻՒ Ժ.

ԲԱՐՍԵՂ եւ ԼԻՋԱ

ԲԱՐՍԵՂ—Ջա, շարունակիր, տիկին, տեսնեմ ուր ես հասցնում:

ԼԻՋԱ—Որպէս «տիկին», այսինքն՝ այն պաշտօ-

Նական ձևով, որ դու վարում ես ինձ հետ, ես սրանից աւելի առաջ երթալու իրաւունք էլ չունիմ. կարծում եմ այսքանս էլ բաւական էր յառաջ դնալու մի «տիկնոջ» մի «պարոնի» հետ: Լսիր, Բարսեղ, եթէ դու պիտի շարունակես ինձ հետ «տիկնո»-ներ գործածել, պարզն ասիր, որ ես էլ քեզ հետ խօսելիս «պարոն» բառը գործածեմ . . . Եւ այն ժամանակ, կարծում եմ, թէ անմտութիւն և թէ միանգամայն անտեղի կըլինի մեզ ամուսիններ համարել:

ԲԱՐՍԵՂ — Ես խնդրում եմ, Լիզա, զանազան բառախաղութիւններ մի անիր. խօսում էինք լուրջ, շարունակիր ասելիքներդ, տեսնում ես, որ ես լսում եմ քեզ:

ԼԻԶԱ — Այդպէս, դու ինձ անունով կոչեցիր, ուրեմն ես էլ ասելիքներս պիտի շարունակեմ: Լըսիր, Բարսեղ, ութն ամիս է՝ ինչ ամուսնացել ենք, և ութն ամուսայ ընթացքում դու միայն սկզբի երկու ամիսներումն էիր ինձ հետ վարում որպէս սիրող ամուսին. էլ ինչ պատահեց՝ չգիտեմ . . . միայն դու փոխեցիր քո վերաբերմունքդ դէպի ինձ, փոխեցիր քո բնաւորութիւնը, մեռաւ քո մէջ դէպ'ինձ տածած սէրդ և այնուհետև դու ներկայացար բոլորովին մի այլ մարդ . . . թողիր ընտանիքդ, քեզ տւիր թղթախաղի, արբեցողութեան, այնուհետև՝ ամուսնական սիրալիր գուրգուրանքների, քաղցր քրքրիչների փոխարէն՝ մեր տանը լսում էր հայհոյանք-

ներ, յիշոցներ և փողոցային լուտանքներ: Մեր ընտանեկան սուրբ յարկը, որ մի փոքրիկ դրախտ տեսնելու բաղձանքներով ներս մտայ՝ երկու ամսից յետոյ ներկայացաւ ինձ դժոխք, զանազան սրիկաների, արբեցողների ժողովատեղի, մի կատարեալ պիւսո. . . Յարգ ես այդ բոլորը կարողացայ տանել, դիմացայ, տոկացի . . . և դիմանալու ոյժ ու կարողութիւն ներշնչում էր ինձ, Բարսեղ, դէպ'քեզ տածած անհուն սէրս միայն . . .

ԲԱՐՍԵՂ — Անհուն սէր . . .

ԼԻԶԱ — Այո, անհուն սէր . . . բայց այժմ՝ այլևս չեմ կարող տանել, Բարսեղ. մի բան կայ այստեղ, որը ես քեզանից էլ, ամբողջ աշխարհից էլ բարձր եմ դասում և միշտ պատրաստ եմ՝ քեզ էլ, ամեն ինչ էլ զոհել նրան (Բարսեղը զարմացած աչքերը չռում է), -- դա իմ պատիւն է: Ես տեսնում եմ, Բարսեղ, որ այս յարկի տակ մեռնում է իմ արժանապատուութիւնը, ես տեսնում եմ՝ վտանգի մէջ է իմ պատիւը, փրկիր ինձ, Բարսեղ, 'ի սէր այն բոլորի, որ քեզ համար սրբութիւն է, խղճան ինձ, ազատիր ինձ այս գերութիւնից, որ աւելի սոսկալի է՝ քան միջնադարեան ստրկութիւնը. կամ սպանիր ինձ, Բարսեղ, թող պատուով աչքերս փակեմ, կամ ազատիր ինձ այս տան ապականւած մըթնոլորդից, ազատիր այս սրիկաների որջից, ուր կամեսնում են պատիւս արատաւորել . . . (Լաց է լինում):

ԲԱՐՍԵՂ—հանգիստ, Լիզա, հանգիստ, ինչո՞ւ
ես լաց լինում. մենք լրջօրէն խօսում ենք, ինչ
կարիք կայ վրդովելու:

ԼԻԶԱ—Դու ինձ ցեխն ես կոխել, Բարսեղ,
և թոյլ ես տւել ամեն մի սրիկայի ինձ կոխ տալու.
դու ես մեղաւոր, Բարսեղ, բայց ընդունիր թէ ես
եմ մեղաւոր, ինչ ուզում ես՝ համարիր, միայն թէ՛
փրկիր ինձ անւանարկութիւնից, փրկիր ինձ կորստից:
Ընդունիր թէ՛ մի տաճկական հարեմում ընկած-
փակւած հայունհի եմ, աղաչում, պաղատում, թա-
խանձում եմ քեզ, փրկիր ինձ, 'ի սէր քո բոլոր
սրբութիւնների (չաց է լինում):

ԲԱՐՍԵՂ—Խնդրում եմ, Լիզա, խօսիր լրջօրէն,
ինչո՞ւ համար ես 'ի դուր լաց լինում: Դու լաւ գի-
տես, որ ես շատ էլ համակիր չեմ լացին. լացով
ոչինչ չի կարելի ապացուցանել, վերջացրու խօսքդ,
որ ես էլ ասելիքներ ունիմ . . . Ասա խնդրեմ՝
ո՞վ է կամենում պատիւդ արատաւորել:

ԼԻԶԱ—(Աչքերը սրբելով եւ լրջօրէն) Առա-
ջինը դու, Բարսեղ, որ քեզ տւել ես թղթախաղի
և արբեցողութեան, երկրորդը՝ դու, որ զանազան
սրիկաների հետ ընկերացել ես և երրորդը դու, որ
Ղարազեօզեանի պէս լրբերին թոյլ ես տալիս ոտը
ներս զնել իմ տան շէմքից . . .

ԲԱՐՍԵՂ - Վա՛հ . . .

ԼԻԶԱ—Զարմանում ես . . . զարմացիր:

ԲԱՐՍԵՂ—Ղարազեօզեանը:

ԼԻԶԱ - Այո, Ղարազեօզեանը, քո մտերիմ և
սիրելի ընկերը, այդ Եւրոպայի փողոցները թափա-
ռող և լրբութիւնների «հոգեբանական» դիպլոմով
վերադարձող Յուզան, քեզ դէպի արբեցողութիւնն
ու թղթախաղը մղողը, քո առաջ իմ վարկը վայր
ձգողը, քեզ իմ դէմ լարողը, իմ անուս մի աղնիւ
պարոնի՝ Ամբարդանեանի հետ շարամտօրէն կապողը,
որ ամեն հնար գործ էր դնում ինձ էլ քո դէմ գի-
նելու, վերջապէս որ յանդգնում էր իմ պատիւս
էլ արատաւորել, այն՝ քեզ հրեշտականման ներկայա-
ցող դեր, հրէշը . . .

ԲԱՐՍԵՂ (Կասկածանքով) Բայց . . . դու ինչ
գիտես այդ բաները, քեզ ո՞վ ասաց թէ նա Ամ-
բարդանեանի մասին խօսել է ինձ հետ . . .

ԼԻԶԱ—Արդարութիւնը և ճշմարտութիւնն ա-
սացին ինձ այդ բոլորը՝ քո բերանով . . . Ես
լսում էի, թէ ի՞նչպէս դու ամեն օր երազի մէջ
խօսում էիր այդ բոլորը, ես լսում էի ամեն ինչ
ուշադրութեամբ . . .

ԲԱՐՍԵՂ - Ուրեմն դու Ամբարդանեանի հետ ո՞չ
մի ծածուկ տեսակցութիւն չես ունեցել . . . Ա-
սիր, 'ի սէր Աստուծոյ, Լիզա, քիչ է մնում ես
խելագարւեմ. այսօր դու նրա հետ կառքով շրջ-
ելիս չես եղել:

ԼԻԶԱ—Այսօր . . . կառքով շրջելիս . . .
խեղճ իմ Բարսեղ . . . ինչպէս մոլորեցրել են քեզ:
Ես, պատահել է, որ տեսել եմ Ամբարդանեանին,

խօսել եմ նրա հետ, բայց նախ՝ քեզ հետ միասին, երկրորդ՝ վերաբերել եմ նրան որպէս իմ եղբօրս — Գարայատին: Օ՛հ, հրէշներ, հրէշներ . . .

ԲԱՐՍԵՂ — Իսկ ինչո՞վ է վիրաւորել քեզ Ղարազեօղեանը . . .

ԼԻՉԱ — Երէկ գիշեր, քո մօտից դուրս գալիս, նա տեսաւ ինձ նախասենեակում և . . . և . . . «Ո՛րքան գեղեցիկ էք, տիկին», ասաց:

ԲԱՐՍԵՂ — Իսկ դու . . .

ԼԻՉԱ — Ես լուցի և ամբողջ գիշերը ողբում էի, այն միջոցին, երբ դու հարիւրներ տարած, հարբած խումփում էիր և երազումդ սպառնում ինձ կտոր-կտոր անելու, արիւնս խմելու:

ԲԱՐՍԵՂ — (Մի փոքր լուռ թիւն) Ղարազեօղեանը այդպէս . . .

ԼԻՉԱ — Այո, այդպէս . . . բայց դու, Բարսեղ, դու ես բոլորի պատճառը. քեզ պէսների միամտութիւնից է, որ օգտուում են զանազան Ղարազեօղեաններ և շարունակում իրենց գոյութիւնն ու շահատակութիւնները . . . Ես թշուառ եմ, Բարսեղ, խղճաւ ինձ, վերադարձրու իմ այնքան շուտ կորցրած երջանկութիւնս . . . (Թախանձագին) չէ՞ որ ես անմեղ եմ, տանը ինձ իմ ընտանեկան բաղքը կեանքս: (Արտասուում է):

ԲԱՐՍԵՂ — Նո՛ւ, բաւական է, Լիզա, լուրջ խօսակցում ենք, մի կողմ թող կանացի անտեղի արտասուքներդ:

ԼԻՉԱ (Հեկեկալով) — Անտեղի . . . Ուրիշ ինչ գէնք ունինք մենք, բացի արտասուքը . . . Գուր, տղամարդիքդ անիրաւաբար կողոպտել էք մեր ինքնապաշտպանութեան բոլոր զէնքերը և թողել միայն արտասուքը, այն էլ, եթէ հնարաւոր լինի, կը խլէք, որովհետեւ ձեզ տհաճութիւն է պատճառում:

ԲԱՐՍԵՂ — Հարցից մի չեղւիր, Լիզա, շարունակիր:

ԼԻՉԱ — (Հեկեկալով) Այլևս ոչինչ չունիմ ասելու, ես ամեն ինչ ասացի:

ԲԱՐՍԵՂ — Վերջապէս, Լիզա, վերջ տուր լացիդ, աչքերդ կուրացան:

ԼԻՉԱ — Ի՞նչ անեմ, Բարսեղ, ես անզօր եմ բնութեան դէմ մարառելու (Ռոտնում է թաշկինակը եւ շրգանելով՝ դիմում միւս սենեակը): Օ՛հ, անիրաւ ճակատագիր:

ՏԵՍԻՆ Ժ.Է.

ԲԱՐՍԵՂ առանձին

ԲԱՐՍԵՂ — (Մտախոհ) Օ՛հ . . . եթէ ճիշտ լինի . . . Ո՛չ, ո՛չ, ո՛չ, անկարելի է . . . (Լուռ թիւն) Նո՛ւ, ինչ էլ լինի՝ պէտք է մի դրական ելք գտնել, այսպիսի երեքուն կեանքն էլ մի կեանք չի: Պէտք է վերջ տալ այս բոլորին, պէտք է լուսաբանել ճշմարտութիւնը, պէտք է մի լուրջ եզրակացութեան

գալ: Օրերն իրար ետևից անցնում են՝ և նոյն անուրոշ գրութիւնը, նոյն օդորմելի կացութիւնը: (Հռութիւն): Անձնատուր լինել նորանոր մոլութեանց— արբեցողութեան, խաղամոլութեան, ցօփ կեանքի, դրանցով հոգեկան յուզումներն ու վիշտը ծածկելը, մոռացութեան տալը՝ ինքնախարէութիւն է: Պէտք է ազատել այս դրութիւնից, սա կեանք չէ: Ի՞նչ էլ ուզում է լինի՝ իմ գործս լինելու է ապականութեան և տղմի մէջ թաղւած հրէշների հետ . . . Օ՛հ, հրէշներ, հրէշներ, դուք իմ ամբողջ կեանքս խորտակեցիք . . . Ո՛րպիսի քաղցրութեամբ, ո՛րպիսի յոյսերով մօտեցայ ամուսնական կեանքին, ի՞նչ երջանկութիւններ էի ակնկալում նրանից,—կի՛ն, տուն, տեղ, սիրասուն զաւակներ . . . կորա՛ն, կորան բոլոր երազներս: (Հռութիւն): Մտածել այդ բոլորի մասին՝ այլ ևս աւելորդ է: Իմ դերս որոշւած է,—կամ նա, կամ այս երկուսը . . . (Գրասեղանից հանելով ատրճանակը եւ փամփուշտները նորից տեղաւորելով նրա մէջ): Պէտք է ստուգել, որքան կարելի է լուրջ կերպով ստուգել, թէ՛ որն է մեղաւոր և որն անմեղ: Եթէ Ղարազեօղեանը,— ապա վեց գնտակն էլ նրա կրծքում, իսկ եթէ կի՛նս և Ամբարդանեանը— երեքը մէկկին, երեքն էլ միւսին . . . Է՛հ, Բարսեղ, դէպի գործ . . . որն էլ լինի՛ քեզ համար կեանքը մեռած է արդէն . . . փակիր այս տեղ աչքերդ և բաց արա Սիբիրի սառնամանիքներում կամ հանքահորերի մթին ներք-

նաշխարհում: Է՛հ, ինչ էլ լինի՛ այսուհետև ինձ համար կեանքը մեռած է, յամենայն դէպս՝ ես կոշւած եմ ոճրագործութեան . . . էլ մնաս բարով կեանք և անդառնալի երջանկութիւն: (Դնում է ատրճանակը զրպանը եւ շտապով դուրս գնում):

Վ Ա Ր Ա Գ Ո Յ Ր .



ՊԱՏԿԵՐ Բ.

Քեմը ներկայացնում է Քարսեղ Ահարանեանի Ա. պատկերի սե- նեակը, իսկ եթէ հնարաւորութիւն կայ փոխելու՝ սեղանատունը. այս դէպքում Ա. պատկերի մեծ պահարանը պէտք է տեղաւորել նոյն կարգով այստեղ: Մաթոսը կարգի է բերում սենեակը, որբիչով մաքրում աթոռների թողը եւ քթի մէջ եղանակում:

ՏՅՄԻԼ Ա.

ՄԱԹՈՍ առանձին

ՄԱԹՈՍ—(Աթոռների թողը սրբելով) Տօ, ըզորթ որ որդի կռիւ, զլմաղալ, անտէրութիւն, ընդիան հլէ Աստօծ էլա փախչում, Քըրիտասն էլ, ըւատաս սըբ հրեշտրակնին էլ, սըբ մնաց խեղճ նօքարնին, որ՝ հլէ աղէն ա խանըմի հեա կռիւսը տալի՝ խանըմն ա նօքարի գլխին բամփաչըմ, խանըմն ա կռիւսը տալի՝ աղէն ա հերսը նօքարի գլխին թափըմ: Է՛հ, նօքարութէնի փիլին անըծւի. եարանը Աստծու խելքին, մեղայ Աստծու, ինչը փըչեց հլէ նօքար ու աղա ստեղծիլ. աղա, եա շիմնուն էլ նօքար ստեղծի, որ իրար զազը իմանան, եա բիրաղնուն էլ աղա ստեղծի, որ մինը մէկսէլի գըլխին բամփի սչ: Ա՛յ քու եարադանիդ մեռնիմ Աս-

տօծ, հլէ թէ մէ ինձ էլ աղա կըղարձնե՛ս՝ եզ կմ իմանըմ թէ . . . մեղայ Աստծու, Մեղայ Աստծու, Աստօծ ջան, դալաթ արի, սնց որ հլէ ինձ ըստեղծել ես՝ ընհենց էլ թող մնամ, ես իմանըմ եմ, որ Դու ջուխտ ձեռով մարդու տալ չես, թէ փողն ես տալի՝ հլէ գլխին էլ մի լաւ բամփըմ ես,—եա տընից, եա օղլուչաղից, եա որդուց՝ ընհենց մի ցաւի մէջ ես գձըմ, որ հլէ խեղճը ինքն էլ ա մլորըմ, օրը տասը նհեա իր ծնունդն անիծըմ: Է՛հ, մեռնիմ իմ փայ Աստծուն, ի՛նչս ա պակաս, չէլ հըմի, ասնը՝ աղիս գլխին էր Աստօծ բամփաչըմ, նա էլ իմ գլխին, հըմի, հլէ շար աչքից հեռու՝ էս էրկու շաբաթ ա կապով ընկած ֆորդ ա դառել, խանըմիս նհեա մեղրով մաստակ են էլել . . . Ես իմ Աստօծը՝ գօռբա կնիկ ա, էվալլա՛ . . . էլ սնչ ուշունցնի, սնչ զըլմաղալ, սնչ էն թուլունգէրոնց նհեա ընկնիլ . . . թամամ աղէս մարդ ա դառել . . . Ջհանդամը, հլէ էն խեղճ կնիկը պըծա՛ւ . . . Տօ, կասես աղէս հմի խանըմիցս էլ լաւն ա դառել, հեաս ջանով ա խօսըմ: Մէկ ասըմ եմ՝ գնամ, մէկ էլ աղիս խաթրիցը անց չեմ կէնոււմ: Օխտ-ութն ամիս ա տանից գուս եմ էկել, էլ ջըատար Թէլլուիս հալը գիզըմ չեմ թէ սնցա. ա՛յ կտրւի հլէ մեր աղաթը, ասըմ են՝ օղլուչաղը իրան մարդին գիր չի գրիլ, հլէ ամօթ ա, մեղք ա . . . ա՛յ ես հլէ դրա մգոնուլի . . . Հմի նաշար Թէլլուիս աչքը ջուրը կտրեց: Հլէ թէ մէկ ասըմ եմ աղութինը լաւ բան չի՛, մըն էլ՝ որ ջէբս լինըն

ըլէր՝ բա խի իմ թէլլուիս թողնըմ աչքը ճանպին . . .
 Ընտան հմի գըլէր ցերէկ աչքը ըրտասունը իմ
 ճանպէն ա պահըմ, սվ ա իմանըմ հըմի ինչ դարդ,
 ինչ ցաւ ունի, ուզըմ ա հլէ մի ծիտ դառնայ,
 թռնի գայ կըլտիս, մի իր սիրտը դըտարկի . . .
 է՛յ-հէյ, անտէր մնաս դարիբուլթին: Տօ, էս էլ հլէ
 մի կեանք չի՛: (Աթոռնեքը սրքելով մեղմ ձայ-
 նով երգում է) —

Գուռնամ զիդէրսան Աղգաշա,

Համ զօվումա, համ դարգաշա,

Գուռնամ եարա սալամ էյլա.

Ուշ թէլլի, դօւթ թէլլի, բէշ թէլլի գուռնամ,

Հարալի գուռնամ, եարալի գուռնամ,

Մանի կօյուխսան վէրանա գուռնամ:

Ճանապարհս ընկաւ Թիֆլիզ,

Կրակ ընկաւ մէջ իմ սրտիս,

Խաբար տարէք անուշ եարիս.

Յրկրորդ խումբ, երրորդ խումբ, չորրորդ խ. կռունկ,

Որտղան ես գալիս վիրաւոր կռունկ,

Ֆորսկանի ձեռից դու փախած կռունկ:

Լալով գնում եմ ճանապարհ,

Նա իր տանն է, ես եմ օտար,

Կարօտ սրտիս բարեք տար.

Յրկրորդ խումբ, երրորդ խումբ և այլ . . .

ՏԵՍԻՒԼ Բ.

ՄԱԹՈՍ ԲԱՐՍԵՂ եւ ԼԻԶԱ

ԲԱՐՍԵՂ — (Լիզայի հետ երեսալով դրան մէօ,
 մի փոքր լսելուց յետոյ, ուրախ ուրախ ներս
 մտնելով) Բաւօ, Մաթոս, լա՛ւ երգել ես իմացել:
 Տեսնում ես, Լիզա, ինչ լաւ, շնորքով տղայ է մեր
 Մաթոսը: (Մաթոսը ամօթխածուլթեամբ քաշում
 է մի կողմ, երբեմն ժպտուն հայեացք ձգելով
 նրանց վերայ):

ԼԻԶԱ — Ի հարկէ լաւ տղայ է մեր Մաթոսը,
 ապա դու նոր ես ճանաչում:

ԲԱՐՍԵՂ — Ես զիտէի, որ լաւ տղայ է, բայց
 չըզիտէի թէ՛ երգել էլ զիտէ. սրտեղ ես սովորել,
 Մաթոս:

ՄԱԹՈՍ — Դէ ախար ես էլ հլէ վարժատուն եմ
 գնացել, աղա ջան, բա հօ . . .

ԼԻԶԱ — Մաթոս, եկ ուղիղն ասիր, հիմա էլ
 հօ միտք չունիս գիւղը գնալու:

ՄԱԹՈՍ — Թէ որ աղէն հլէ իրաւունք տայ՝ բա
 խի՛ չեմ գնալ:

ԲԱՐՍԵՂ — Տօ, մինչև հիմա խանումի խաթրու
 էիր այստեղ կենում, հիմա իմ իրաւունքն ես պա-
 հանջում:

ԼԻԶԱ — Լաւ, լաւ, Մաթոս, հիմա էլ դու ինձ
 նշանակուլթիւն չես տալիս, հմ, լաւ . . .

ՄԱԹՈՍ — Դէ, խանրմ ջան, չէլ հըմի ուրիշ . . . հլէ հըմի ուրիշ . . . աղէն իր տեղն ունի, խանըմը՝ իր տեղը:

ԲԱՐՍԵՂ.— Այ մեռած, էլ նազ մի անիլ, խօսելուցդ երևում է՝ նշանածիկ կարօտել ես, հըր, դէ արի ուղիղն ասիր:

ՄԱԹՈՍ — Զէ, հըր, եանի խի՞ ես հլէ ձեռք առնըմ, աղա:

ԼԻԶԱ — Հաւատացիր, Մաթոս, մենք որոշել ենք՝ այս տօներին մի ամսով քեզ իրաւունք տալ տուն գնալու:

ԲԱՐՍԵՂ. — Տես, Մաթոս, թէ ուղիղը խստովանես՝ որոշել ենք քեզ համար մի ձեռք լաւ հագուստ առնել, լաւ գուգեղ-գարդարել, ճանապարհածախքդ էլ՝ քալ և մի ամուսայ արձակուրդով ուղարկել թէլ-լուիկ մօտ. հէնց այդ արձակուրդիդ ամսականն էլ առաջուց կստանան:

ՄԱԹՈՍ — Դէ, աղա, հըր, հըր, հըր . . . (ծիծաղելով գլուխը թափ է տալիս):

ԲԱՐՍԵՂ. (Նոյնպէս ծիծաղելով) Դէ, մեռած, էլ շատ մի քաշմշել, երևում է . . .

ՄԱԹՈՍ — Դէ, աղա չիմս էլ հլէ աղամորդի ենք: (Ամաչելով երեսը շուռ է տալիս):

ԲԱՐՍԵՂ. Դէ լաւ, վաղը միասին կըղնանք բազար, քեզ համար մի լաւ շուխա, մի արխալուղ, կօշիկ և ուրիշ ինչ որ պէտք է կառնեմ, խանուսդ էլ նշանածիկ համար շորեր կըտայ և միւս օրը կը

ճանապարհես գիւզ՝ Թէլլուիկ տեսութեան:

ՄԱԹՈՍ — Աստօժ, հլէ, աղա ջան, ձեզ միշտ յաջող պահի, մենք էլ ձեր սայիցը ապրիլ պտենք: Աստօժ էս օջաղը՝ վառ պահի, ձեզ էլ հլէ համէշա ըլթէնց սիրով: (Դուրս է գնում):

ԲԱՐՍԵՂ. Իսկապէս, Լիզա, ես չէի կարող երևակայել, թէ սա այդքան պատուական տղայ կարող է լինել: (Մտնում է կրկին Մաթոսը):

ՄԱԹՈՍ — Աղա ջան, հլէ պտի բախշես, մտիցս ընկաւ, հլամ կարալ չեմ գեղը գնամ:

ԲԱՐՍԵՂ. (Չարժացած) Ինչո՞ւ:

ՄԱԹՈՍ — Հլէ մի պուճուր բան ունիմ ըստեղ:

ԼԻԶԱ — Ի՞նչ բան:

ՄԱԹՈՍ — Հլէ դու ըլլես էն Աստօժը՝ հարցնիլ մի, խանրմ ջան, հլէ կարալ չեմ ասեմ:

ԲԱՐՍԵՂ — Այդ ինչ բան է, Մաթոս, որ մեզանից ծածկում ես:

ՄԱԹՈՍ — Հլէ օրթում եմ կէրել, աղա ջան, չէլ էդ բանը կըտարւի ո՛չ՝ կարալ չեմ էս քաղբից ոտս դուս գնեմ:

ԼԻԶԱ. Ուրեմն երբ ես մտադիր գնալու:

ՄԱԹՈՍ — Հլէ գիդեմ ո՛չ, եբ որ օրթումս կըկըտարւի՝ ես ձեզ կասեմ:

ԲԱՐՍԵՂ. — Այդ ինչ երդում է, հըր, էլի մի բան կուենեսա, Մաթոս:

ՄԱԹՈՍ — Էն Աստօժը՝ կարալ չեմ օրթումս կտարիլ, զօռիլ մէք: (Կողմ) Զէլ Փռանգի թաղուն

մի արջապար ածեմ ոչ՝ հլէ մըր պտեմ էթայ, հայ—հո՛ւ . . . (դուրս է գնում):

ՏԵՍԻՆ Գ.

ԲԱՐՍԵՂ և ԼԻՁԱ

ԲԱՐՍԵՂ—Գիտես, Լիզա, հիմա ես այդ տղային ո՛րչափ եմ սիրում . . . Ես մինչև այժմ բոլորովին այլ կարծիք ունէի մեր գուեստիկ գիւղացիների վերաբերմամբ. ես կարծում էի, թէ տնտեսական ծանր պայմանները, զանազան օրինաւոր և ապօրինի հարստահարութիւնները՝ դրանց այլասեռած կըլինին, բայց սա իւր վարմունքով ապացուցեց, որ այդ կարծիքս սխալ է:

ԼԻՁԱ—Ճիշտ է, Բարսեղ, տնտեսականը մի որոշ շափով կարողանում է իւր աւերիչ ազդեցութիւնը գործել բարոյականի և բարբերի վերայ, բայց այս էլ ՚ի նկատի պէտք է ունենալ, որ այդ ազդեցութիւնն աւելի աչքի է ընկնում քաղաքացիների վերաբերմամբ:

ԲԱՐՍԵՂ—Բայց չէ՞ որ գիւղացիք աւելի հարըստահարւած են:

ԼԻՁԱ—Մի մոռանալ, որ գիւղացիք որքան էլ հրստահարեն, այնու ամենայնիւ նոքա բարոյական մեծ ոյժ ունին տոկալու:

ԲԱՐՍԵՂ—Ո՛րն է նրանց բարոյական ոյժը,

(հեգնօրէն) երևի տգիտութիւնը:

ԼԻՁԱ—Ո՛չ, տգիտութիւնը բացասական ոյժ կարող է լինել, այլ՝ անկեղծութիւնը, պարզութիւնը, բարոյական մարուր վարք ու բարքը: Մի փոքրիկ օրինակ—գիւղացիք աւելի նիւթական կարիքներ ունին, ինչո՞ւ ապա փողով հաւատ որսող բողոքականներն ու կաթօլիկները չեն կարողանում նրանց որսալ և գիւղերում նոյն յաջողութիւններն ունենալ՝ ինչ որ քաղաքներում:

ԲԱՐՍԵՂ—Հա՛, գիտես, Լիզա, այսօր այդ մասին «Փարոս»-ում մի ընդարձակ յօդւած կար, պահեցի, որ տամ կարդաս: Բաւականին լաւ յօդւած է: (Հանում է ծոցից մի թերթիւ և ցոյց տալով յօդւածը, առաջարկում նրան.) Այս է, տես:

ԼԻՁԱ—Միտս: (Երկունս էլ ծիծաղում են):

ԲԱՐՍԵՂ—Օ՛հ, ի՛նչ խորամանկն ես:

ԼԻՁԱ—Ե՛ս թէ դու . . . խօսքով խառնեցիր, որ խարես, ձեռքս տաս «եադ՛աստ» ասես:

ԲԱՐՍԵՂ—Է՛, կածում ես առանց քո տանելու էլ խոստումս չեմ կատարիլ. դու դեռ կասկածում ես, թէ՛ ես պիտի շարունակեմ իմ նախկին զգելի ընթացքը:

ԼԻՁԱ—Չէ՛, Բարսեղ, կըշարունակես թէ՛ սչ՝ այդ ես չըզիտեմ, բայց դու պատուովդ երգել ես, որ եթէ ես տանեմ՝ դու յաւիտեան երկու բաժակից աւելի չըպիտի խմես և երբէք խաղաթուղթ ձեռքդ չըպիտի առնես: Ես համոզւած եմ, որ դու

քո երկաթի բնաւորութեամբդ այդ ուխտդ չըպիտի
զրծես:

ԲԱՐՍԵՂ.— Իսկ եթէ դու չըկարողանաս տանել:

ԼԻԶԱ.— Ե՛ս չըկարողանամ տանել . . . լու:

ԲԱՐՍԵՂ.— Բայց ի՞նչ համոզւած եղանակով ես
խօսում, կարծես գիտես, որ անպատճառ դու ես
տանելու:

ԼԻԶԱ.— Ես համոզւած եմ:

ԲԱՐՍԵՂ.— Ի՞նչպէս:

ԼԻԶԱ.— Տրամեցէք (ցոյց է տալիս աջ ձեռքի
ցուցամատում նշան մատանին):

ԲԱՐՍԵՂ.— Այդ ի՞նչ ես արել:

ԼԻԶԱ.— (Ժիծաղելով) Ես դիտմամբ մատանին
այս մատս եմ գրել, որ չըմոռանամ:

ԲԱՐՍԵՂ.— Ուրեմն դու գիւղացու պէս մատանին

ցուցամատդ ես գրել, որ զգուշանաս ինձանից բան
ընդունելիս: Օ՛հ, այդ ի՞նչ անմտութիւն է, Լիզա, մի՞թէ

մի «ջինար» քաշելու համար մարդ թոյլ կտայ իրեն այդ
գուհակահան միջոցին դիմելու:

ԼԻԶԱ.— Ինկատի ունեցիր, Բարսեղ, թէ ինչ պայ-
մանով է քաշւած այդ ջինարը և որպիսի գառն յիշա-
տակներն հետ կապ ունի դա, յիշատակներ, որոնք

յիշելիս՝ յաւիտեան պիտի սարսուռամ:

ԲԱՐՍԵՂ.— Բայց ես արդէն խոստացել եմ քեզ
նոյնը, և եթէ իմանայի դու այդքան մեծ նշա-

նակութիւն ես տալիս գրան, մինչև հիմա գիտմամբ
տարւած կըլինէի և չէի թոյլ տայ, որ դու գիւղացի

«խարս»-ի պէս մատանին ցուցամատդ դնէիր:

ԼԻԶԱ.— Չէ, Բարսեղ, մենք ազնիւ խօսք ենք
տւել միմեանց և յետոյ միայն «ջինարը» կտորել,
հետևապէս՝ պարտաւոր ենք յարգել մեր պայմանը
անկեղծօրէն: Ասպետութիւնը պահանջում է՝ խոստ-
ման անխարդախ կատարումն. և որքան մեղա-
նից իւրաքանչիւրս կաշխատի անխարդախ վար-
ւել՝ նոյնքան և ճշտութեամբ կըկատարի իւր խոս-
տումը: Եթէ դու երբ և է գիտմամբ տարւես կամ
չուզենաս ինձ խաբել, նշանակում է՝ նոյնքան ան-
տարբերութեամբ էլ կըվերաբերւես դէպի պայմա-
նի գործադրութիւնը:

ԲԱՐՍԵՂ.— Այդպէ՛ս:

ԼԻԶԱ.— Այո՛:

ԲԱՐՍԵՂ.— Ուրեմն վստահ եղիր, որ «եղա՛ստը»
եւ պիտի ասեմ . . .

ԼԻԶԱ.— Տեսնենք . . .

ԲԱՐՍԵՂ.— Պահ-պահ-պահ-պահ . . . կնոջ պէս էլ
բծախնդիր արարած . . .

ԼԻԶԱ.— Այո՛, կանայք բծախնդիր են, միայն
բարի հարցերում:

ԲԱՐՍԵՂ.— Լիզա, սիրելիս, թողնենք դրանք,
պատրասուիր, ես մի երկու ժամից կըվերադառնամ՝
գնանք պարոն Ամբարդանեանին այցելութեան, նա
չատ խնդրեց. իսկապէս ես ուզում եմ այդ պարոնի
հետ աւելի մօտ բարեկամ լինել: Հա՛, նա խնդրեց

այլև, որ յայտնեմ, թէ մայրն ուզում է քեզ տեսնել,
ինչ-որ, ասաց, կարևոր խօսելիքներ ունի . . .

ԼԻՋԱ — Հնա . . . ուրեմն ճիշտ է:

ԲԱՐՍԵՂ — Ի՞նչը:

ԼԻՋԱ — Մի՞թէ դու չըզիտես, որ Ամբարդանեանը
իմ ընկերուհուն — Մարիամին ուզում է . . . Երևի
մայրը համենում է իմ կարծիքս հարցնել . . .
Լու, Բարսեղ, ուրեմն չուտով եկ. ես պարոն
Ամբարդանեանին շափաղանց յարգում եմ, իսկ
Մարիամին իմ հարազատ քոյրս եմ համարում: Օ՛,
ինչ հրաշալի գոյգ կը լինին, օ՛րբան ուրախ եմ:

ԲԱՐՍԵՂ — Ա՛յ գեղեցիկ բան. նշանակում է
փառաւոր նշանդրէք կունենանք: Ես մի ժամից
կը գամ, դէ, դու էլ զնա շորերդ հագիր: (Գնում է):

ԼԻՋԱ — Լու, լու, չուտ եկ: (Գնում է միւս դռնից:
Լռութիւն: Մտնում է Վասիլ Ղարազեօզեանը):

ՏԵՍԻԼ Գ.

ՎԱՍԻԼ ատանծին

ՎԱՍԻԼ — (Գլխարկը ձգելով սեղանի վերայ) —
Հը՛, դա: Զատ շտապով էր գնում պարոն Բարսեղը,
երևի՛ դարձեալ կնոջ հետ կուեկ է: Բայց . . . Ի՞նչ
հրաշալիք է. աչքերը, կարծես, եղջերուի աչքեր
լինին, սրպիսի կախարդական փայլ, սրպիսի գրաւ-
չութիւն . . . քայլածքը, կարծես, օ՛հ, կարաւի հետ

միայն կարելի է համեմատել. իսկ շարժւածքը, նա-
զանքը, կազմւածքը . . . Օ՛հ, հրեշտակ է, հրեշ-
տակ . . . Բայց սրբան հպարտ, սրբան կամակոր
. . . Փարիզի ու Վեննայի գեղեցիկուհիները, իրենց
բոլոր գրաւչութեամբ, կարող են նսեմանալ սորա
առաջ . . . Իսկ յամառութիւնը . . . և
այդ կարծես աւելի ու աւելի է քաշում մարդու,
գրաւում դէպ ինքը: Հոգեգէն չէ՛ նա, մի չնաշ-
խարհիկ էակ է, նա Ուիմպիական է, մի դիցուհի,
որի հայեացքին արժանանալն իսկ բախտաւորու-
թիւն է: Օ՛ . . . մի հայեացք, մի բառ միայն, —
թող այդ բառը հայհոյանք լինի, թող նզովք լինի
— այդ էլ բախտաւորութիւն է: Չայնը, խօսւածքը՝
կարծես մուգիկայի քաղցրահնչիւն լարերի արբեց-
նող ներդաշնակութիւն լինի: Օ՛հ . . . Լիզա,
Լիզա, արժանացրու մի ժպտուն հայեացքի և ես
կերկրագլեմ քեզ, իմ կուռքս կըդարձնեմ . . .
Բայց ի՞նչպէս տեսնեմ նրան . . . երևի այժմ նըն-
ջարանումն է . . . ի՞նչպէս իմացնեմ: Եթէ դար-
ձեալ այն վայրենի ծառան գայ՝ նրա հետ գործ ու-
նենալը գժւար է: (Մի փոքր մտածելով եւ ձեռ-
քը զրպանը տանելով) Ես կըտամ նրան մի 10-ա-
նոց և նա այս նամակը կըտայ իւր շնաշխարհիկ, ան-
նման, հրաշալի «խանութիւն», այս նամակը, որի մէջ
բանաստեղծական վառ աւիւնով, ցիրային նուրբ
դարձւածներով, թովիչ և գրաւիչ ոճով նկարագրել
եմ իմ դէպ ինքը տաժած անհուն սէքս, այն

անչէջ կրակը, որ գիշեր-ցերեկ ինձ այրում, տոշո-
րում է: 10 մանէթանոցը տեսնելուն պէս՝ այդ ա-
պուշ ծառան կըթողնի իւր վայրենութիւնը, այնու-
հետեւ իմ կամակատարս, իմ ստորուկս ու գործիքս
կըզառնայ . . . Օհ, փողի ամենակարող ոյժի ա-
ռաջ ո՞վ չի խոնարհելի: (Մտնում է Մաթոսը
գերկը չի վառելաւորայտ եւ ղնում ըուխարու առաջ):

ՏԵՍԻՒ Ե.

ՎԱՍԻԼ եւ ՄԱԹՈՍ

ՄԱԹՈՍ - (Եկատելով Ղարագեղեանին եւ
տեղից վեր թռչելով) Օհօ . . . հլէ բարով ուստ
զանք ես ու դուն . . . Դու ինչ էիր իմանքմ, թէ
ես օրթում եմ կերել՝ չէլ քեզ տէնում ո՞չ՝ հլէ
էս քաղբից ոտս դուս չի դնեմ:

ՎԱՍԻԼ - Ը՛հ . . . ինչպէս է ձեր անունը:

ՄԱԹՈՍ - (Հեզտորէն) Դմփեմ քեզ ծառայ:
(Կողմ) Հլէ բանս աջա հա՛ . . .

ՎԱՍԻԼ - Ի՞նչպէս, Եփրեմ . . .

ՄԱԹՈՍ - Չէ՛ է, Դմփեմ:

ՎԱՍԻԼ - Դա ինչ անուն է: Հն, դա, խնդրեմ
այս նամակը յանձնիր տիկնոջդ և յայտնիր իմ գա-
լուստս:

ՄԱԹՈՍ - (Կողմ) Հլէ էս էր իմ ուզածը, լա՛ւ:
(Եամակը ծոցը ղնելով) էս պամակը աղիս տամ էլի:

ՎԱՍԻԼ - Ո՛չ, ո՞չ, ո՞չ, խանումիդ: (Կողմ) Է՛,
խելագար է յիմարը: (Երան) Խանումիդ տուր և
ասի՛ր՝ պարոն Ղարագեղեանը մի կարևոր գործի . . .

ՄԱԹՈՍ - Պարոն Քեալագեղեանը . . . Հլէ
իմ գիտենալով դու ֆռանգի թագին շնս, աղա:

ՎԱՍԻԼ - Դարձեան վայրենութիւն. լսիր, պա-
րոն . . .

ՄԱԹՈՍ - Պարոնը հլէ դու ես, քու հէքն ա,
ուխիդ գերա խօսանս (Մտնում է):

ՎԱՍԻԼ - Ը՛հ, սա կատարեալ . . .

ՄԱԹՈՍ - (Մտնելով եւ յանկարծ վախեց-
նելով) Փը՛խկ . . .

ՎԱՍԻԼ - (Սարսափած վեր թռչելով) Ապուշ,
վայրենի, յիմար, միմոս, խեղկատակ, ես ցոյց կը-
տամ քեզ, թէ ինչ է նշանակում կատակներ անել
. . . Տներ ինձ նամակս . . .

ՄԱԹՈՍ - Ես հլէ ըսենց մի բանի՛ ի ման գալի,
որ քու բէարշուրթինը հաստատեմ, հմի ուղըմ ես
որ յետ տամ . . .

ՎԱՍԻԼ - Չօրթ պարերի (ուզում է ղուրս գնալ):

ՄԱԹՈՍ - (Կանգնելով ղրան առաջ եւ ար-
գելելով նրան): Չէլի իմ հաշիւը քեզ հետ
պրծնեմ ո՞չ՝ հլէ ուր պտես թռչիլ ձեռիցս . . .

ՎԱՍԻԼ - Բայց, պարոն . . .

ՄԱԹՈՍ - Չէ՛նր՛գ, դռմալ, թէ չէ՛ ֆոգիդ ծոր-
ծորանքիցդ հանեցի, հլէ բանֆոգի կանեմ տեղնի-
տեղը . . . Օխտը մոմ վառած քու ետնէն եմ ման

գալի, հըմի ուզըմ ես ձեռիցս դուս պըծնեն . . .
է՛, խանըմիս պամակ ես գրել, համէլ տէնուլ ես
ուզըմ . . . հլէ շի՛ ըլի իմանանք՝ ինչ հրաման ու-
նեն . . . (Ղարագոզեանը սարսափած, ապուշի
պէս քերանը քաց նայում է): Ագն, խօսիր է:

ՎԱՍԻԼ—(Կուչ ու ծիգ անելով) Բայց, բայց,
այստեղ դատարան կայ, ես քեզ ցոյց կըտամ: (Կողմ
էս ինչ փորձանք էր . . .

ՄԱԹՈՍ—Սասը՛դ . . . թէ՛ որ ըստիան սաղ
դուս գնաս՝ հլէ էն վօխտը դատա-մատարան գնայ:

ՎԱՍԻԼ—Ի՞նչպէս թէ՛ եթէ՛ այստեղից սաղ
դուրս գնաս:

ՄԱԹՈՍ—Հլէ ընհենց. ըսօր ըստեղ ես ու ա-
ղէս պտի քու «հօգոցն-հանգուցելոցն» ասենք . . .

ՎԱՍԻԼ—Վա՛հ . . .

ՄԱԹՈՍ—Հա-բա-ջա՛ն . . . է՛, խանըմս աշ-
քիդ դուրն ա էկել հա՛ . . . կարան աղիս ճանպիցը
հանես, մարդ ու կնկայ իրար խառնեն. քու խաթ-
րու տասը նհեա աղէս գլխիս բամփաշել ա, բա
փօխը հանելու չեմ . . .

ՎԱՍԻԼ (Թախանծելով) Լսիր, պարոն, ես
քեզ չեմ մեղադրում . . .

ՄԱԹՈՍ—Վա՛հ, հլա ըստո՛ւր . . . Տօ՛, դա-
լաթնին դու անես, ըթու ինձ մեղադրես:

ՎԱՍԻԼ—Դու ը՛. . . որպէս զիւղացի, նահա-
պետական վարք ու բարքի տէր մի անձնաւորու-
թիւն, երևի սխալ ես հասկացել ինձ. եկ այդ

նամակս ինձ յետ տուր և թող գնամ, դու կարող
ես զանազան թիւրիմացու թիւններ յառիթ տալ,
որ լաւ հետևանքներ չեն ունենալ: Նու, տուր:

ՄԱԹՈՍ—(Կողմ) Նեղն ա ընկել, սնց ա լեզու
ածո՛ւմ: (Շրան) Ո՛ւր գնաս, մտքիցդ հանիր, հլէ
քու գեօը ըստեղ փորած պըծած ա, հրէս աղէս կըգայ
քու ջանին . . . Հէնց էիր գիտըմ նրա աղ ու հացը
կըլափես ու համէլ նրան մուխաննաթու թին կա-
նես, նրա տան մէջ արին կըքձես, նրա ընտանուն
խոռ աշքով մտիկ կանես ու համէլ կըմարսես:
Պըծա՛ւ քու բանը, ժամըդ դուս էկաւ: Աղէս ամէն
բան տեղին հըսկացաւ ու օրթում ա կէրել՝ որտեղ
քեզ տէնու՛՛ ռթօլը հլէ ջիգեարիդ մէջն ա դըրդակելու:
Քեզ պտի պահեմ չէլ աղէս գայ, հլէ ֆօրսն իր
ստով դափանգն ա ընկել:

ՎԱՍԻԼ—Վա՛հ . . . անկեղծ էք ասում,
պարոն Եփրեմ:

ՄԱԹՈՍ—Սուտը դու ես ասըմ, զըռչմալ:

ՎԱՍԻԼ—Ուրեմն՝ կեանքիս վտանգ է սպառ-
նում . . . Պարոն Եփրեմ, եկ այս փորձանքից ինձ
աղատիր, ի սէր Աստուծոյ, ինչ ուզում ես կը-
տամ. այստեղ, գիտես, այնպէս, մի փոքրիկ թիւ-
րիմացու թիւն կայ . . .

ՄԱԹՈՍ—Ես հլէ էդ դայիլը գաղերը հսկանըմ
չեմ, էդ օձի լեզուով ինձ չես կարայ խաբիլ, ձե-
ւիցս դուս պըծնիլ:

ՎԱՍԻԼ—(Շարած) Ապա ինչ անեմ:

ՄԱԹՈՍ—2 ուր պինչդ արա. արգս դու մարդ
ես, հառամ ըլլի էդ փափախըդ հմ:

ՎԱՍԻԼ—Ինչ ուզում ես՝ ասիր, պարոն Եփրեմ,
միայն թէ այդ նամակը Բարսեղի ձեռքը մի ձգիր,
եթէ նա այդ կարգայ՝ հարցը բոլորովին այլ ընթացք
կըստանայ . . . նա, 'ի սէր Աստուծոյ, ազատիր
ինձ այդ խայտառակութիւնից:

ՄԱԹՈՍ—Խայտառակութիւն . . . եանի դուք
ըտոնք հըսկանրմ էք. հմի էլ ուշ ա, հլէ դրանք
էլ խարջիս գալ չեն:

ՎԱՍԻԼ—(Մօտենալով) Ասիր, ինչ որ ասես
քո խօսքից չեմ դուրս գալ, միայն թէ կեանքս ա-
զատիր: Ինչքան տամ, ասիր, ասիր: (Գրպանից
հանում է մի 25-անոց թղթադրամ) Ա՛ռ, քիչ է,
էլի կըտամ:

ՄԱԹՈՍ—(Գլուխը թափահարելով) 2 է՛, աղ-
բէր, էդ ըստեղ խարջի չի գնալ: (Կողմ) Ամէն
թահը կեղտոտութիւն անըմ են ու էդ անտէր փո-
զի ուժով էլ եղը ծածկըմ. թնւ դրա մզոնողին էլ
դրան էլ . . . (Նրան) էդ հլէ ձեզ պէտքերին կարայ
մէյմունի պէս պար ածիլ, հլէ մենք արուսով աշ-
խատիլ, արուսով էլ ուտիլ գիտենք: Ուզըմ ես
դրանով քու ճկատի մուրը իմ ճկատին կպցնուլ,—
կարալ չես:

ՎԱՍԻԼ—Բա ինչ անեմ, հ՛ր:

ՄԱԹՈՍ—Ինչ պտի . . . Ըթէնց կաց, եգնայ
կասեմ, հըէս որտեղ որն աղէս կըզայ, հլէ շատ չե
ետանալ, վախիլ մի:

ՎԱՍԻԼ—Վա՛հ . . .

ՄԱԹՈՍ—Բա՛ . . .

ՏԵՍԻԼ 2.

Նրանք եւ ԼիճԱ

ԼիճԱ—(Մտնելով եւ շնկատելով Ղարա-
գեօգեանին) Ո՛ւմ հետ էիր խօսում, Մաթոս:

ՄԱԹՈՍ—Հըէն է՛, խանըմ, հլէ քեզ տէնուլ
ա ուզըմ:

ԼիճԱ—(Տեսնելով Ղարագեօգեանին՝ զգան-
քով յետ է քաշում եւ ըստէսպէս արձանագար՝)
Ա՛խ . . .

ՄԱԹՈՍ—Վախիլ մի, խանըմ ջան, ես ըստի
չեմ, հլէ խի ես վախըմ:

ԼիճԱ (Նորոխտ)—Ի՞նչ գործ ունիս դու այս-
տեղ, պարոն:

ՄԱԹՈՍ—Խանըմ ջան, քեզ տէնուլ ա ուզըմ,
համ էլ մի գիր ա տւել, որ քեզ տամ: (Ղարա-
գեօգեանին) Արա, խի ես լուկել, խանըմն ա է՛:

ՎԱՍԻԼ—(Յանկարծ սթափելով եւ գլխար-
կը վերցնելով) Ներեցէք, ը՛ . . . յարգելի տիկին:
(Մաթոսը քաշում է դռան կողմը եւ Ղարագեօգ-
եանի խօսելու ժամանակ երեսմն ըտոնցքը ցոյց
տալիս, որը նկատելով այդ՝ ընդհատում է խօսքը):

ԼիճԱ—Վերջապէս, պարոն, ինչ էք կամենում,

ինչո՞ւ էք հալածում մեզ, ինչո՞ւ էք խանդարում մեր ընտանեկան քաղցրութիւնը, ինչո՞ւ . . .

ՎԱՍԻԼ—Ազնիւ տիկին, (Նկատելով Մաթոսի բռունցքը) Ե . . . Ե . . . Ես . . .

ԼԻԶԱ—Մինչև հիմա դուք ինձ դժբախտացրել էիք՝ լարելով միամիտ և բարի ամուսնուս իմ դէմ, վրդովել էիք մեր ընտանեկան քաղցրութիւնը, դառնացրել և թշուառացրել էիք նորատի ամուսիններին կեանքը, հիմա ինչ էք ուզում անել. ինչո՞ւ է մեռել ձեր մէջ խիղճը, մարդկային բարոյական զգացմունքը . . .

ՎԱՍԻԼ—Բայց, ներեցէք տիկին, (Նկատում է բռունցքը) Ե՛ս . . .

ԼԻԶԱ—Հազիւ ամուսինս զգացել է իւր սխալը, հազիւ հասկացել է ձեր նենդամտութիւնը, հիմա էլ կամենում էք մեր կեանքը թունաւորել մի նոր դժբախտութեամբ. հեռացէք ՚ի սէր Աստուծոյ այստեղից, եթէ ամուսինս ձեզ այստեղ տեսնի՝ կտո՞ր-կտոր կանի ձեզ և մենք նոր փորձանքի մէջ կրնկնենք, նորից կը դժբախտանանք. հեռացէք այստեղից . . .

ՎԱՍԻԼ—Ներեցէք ինձ, ազնիւ տիկին, Ես մեղաւոր եմ . . . Ե՛ս . . . Ե՛ . . . ս (Նկատում է բռունցքը):

ԼԻԶԱ—Ես չեմ կամենում ձեզ լսել . . . Ես սարսափում եմ ձեր ձայնը լսելիս, շուտով հեռացէք այստեղից . . .

ՎԱՍԻԼ—(Մօտենալով Լիզային) Ես մեղաւոր եմ ձեր առաջ . . . Ես . . .

ՄԱԹՈՍ—(Յրա թեւից ընկելով եւ յետքաշելով) Էղզադա համարձակութիւն, է՛յ . . . հոգիդ աչքերիցդ կը հանեմ, հլէ հեռու կապնի՝ ընհենց խօսիր . . .

ԼԻԶԱ—Մաթոս, քաղաքավարի . . . ձանապարհ դիր այդ պարոնին . . .
(Դրսից լսում է Բարսեղի ձայնը, որ ա՛սում է. «Այո՛, Տէն՝ էլ շո՛ւրով կը գննի»):

ՄԱԹՈՍ—Խանրմ ջան, հլէ աղէն ա, էկաւ:

ԼԻԶԱ—Վա՛յ . . . ինչ անենք . . . այստեղ արիւնհեղութիւն կը լինի:

ՎԱՍԻԼ—(Յուսահատ) Խղճացէք, փրկեցէք, ՚ի սէր Աստուծոյ, կեանքս փրկեցէք (շարած ռիմելով երբեմն Լիզային, երբեմն Մաթոսին):

ԼԻԶԱ—Աստուած իմ, կսպանի՞սրան, ի՛նչ անենք:
ՄԱԹՈՍ—Ջհանգամը կսպանի, խանրմ ջան, սիրտդ զայիմ պահի, վախիլ մի, Ես ընհենց թաղեմ, ընհենց տափսաղաղ անեմ, հլէ սչով իմանայ սչ:

ՎԱՍԻԼ—Վա՛հ . . . ՚ի սէր Աստուծոյ . . . (Ջանազան շարժումներով եւ ձեւերով թախանձում է):

ԼԻԶԱ—(Յանկարծ մտաբերելով եւ վազելով ղէպի պահարանը, ըացում է ըանալիով) Մտի՛ր, մտի՛ր այստեղ . . .

ՎԱՍԻԼ—Հա՛ն . . . Անշափ շնորհակալ եմ. երբէք չեմ մոռանայ ձեր արած այս բարիքը:

ՄԱԹՈՍ—(Նրա թեւից բռնելով եւ հրելով պահարանի մէջ) Այո, մուտ ընդ մէջ ըզզութուն, ջօխ սօյլամն:

ԼԻԶԱ—(Փակելով) Դ սէր Աստուծոյ, Մաթոս, աղայիդ ոչինչ չասես, եթէ ոչ՝ կսպանի, մենք արիւն-տէր կըղառնանք:

ՄԱԹՈՍ—(Նշանացի հասկացնելով, թէ՛ չի ասիլ) Հիշ մինակ պամակը կը տամ: (Պահարանի մէջ Ղարազեօզեանը սարսափում է): Է՛յ, Ֆռանդի թագի, հիէ ժաժ գաս ոչ, թէ չէ «Փոզոցդ» կասենք:

ՎԱՍԻԼ—Դ սէր Աստուծ . . .

ՄԱԹՈՍ—(Զարկելով պահարանի դրան) Զէ՛նրդ, ախմա՛խ . . .
(Մաթոսը դուրս է գնում, Լիզան նստում է դիւանի վրայ):

ՏԵՍԻԼ Է.

Նրանք եւ ԲԱՐՍԵՂ.

ԲԱՐՍԵՂ—Մաթոս, սրտեղ ես, տօ . . .

ՄԱԹՈՍ—Հիէ ըստեղ եմ, աղա ջան: (Նրա ետեւից ներս մտնելով):

ԲԱՐՍԵՂ (Ուրախ-ուրախ դէպի Լիզան) Հ՛ը, պատրաստ ես, սիրելիս, դիանք . . .

ԼԻԶԱ—ձիշան ասած՝ տրամադրութիւն չունիմ, Բարսեղ . . .

ԲԱՐՍԵՂ - Հ՛ը, ինչո՞ւ, ինչ է պատահել, դու այլայլւած ես երևում:

ԼԻԶԱ—Ոչինչ, այնպէս . . . տրամադրութիւնս լաւ չէ:

ԲԱՐՍԵՂ—Երևի մրտել ես. հիւանդ հօ չեմ, ինչդ է ցաւում: (Մօտենում է եւ նրա ձեռքը բռնում):

ԼԻԶԱ - Զէ, Բարսեղ, հաւատացած եղիր՝ հիւանդ չեմ:

ԲԱՐՍԵՂ—Ուրիշ կերպ ես երևում աչքիս . . . Հ՛ը, ուղարկեմ բժշկի հտևից:

ԼԻԶԱ - Բժիշկ չէ, հոգեբանի հտևից . . . ինչեր ես ասում:

ՄԱԹՈՍ—(Մատով թխկացնելով շկափը) Քէ-ֆրդ մնց ա, բարեկամ . . .

ԲԱՐՍԵՂ—Ասա, խնդրում եմ, սիրելիս, ինչ է պատահել քեզ:

ԼԻԶԱ—ձիշան ասած, Բարսեղ, ես չեմ ուզում ոչինչ գաղտնիք ունենալ քեզանից. նստիր այստեղ և լսիր: Ես համոզւած եմ, որ ամուսինների մէջ գաղտնիք չըպիտի լինի. երբ կինը կարող կըլինի մարդուց ամենաշնչին գաղտնիքն ունենալ, նա կարող է գրանով վարժել՝ աւելի մեծ գաղտնիքներ ունենալու, իսկ այդ կարող է խախտել ընտանեկան անկեղծութիւնն ու հաւատարմութիւնը:

ԲԱՐՍԵՂ—Ես էլ ճիշտ նոյն համոզմունքն ունիմ, յետոյ . . .

ԼԻԶԱ — Ես պիտի ասեմ քեզ մի մեծ գաղտնիք, բայց երգւիր, որ ամենեւին չըպիտի վրդովւես և սառնարիւն կերպով պիտի լսես:

ԲԱՐՍԵՂ — Այ տղայ, Մաթնոս, դուրս գնա . . .

ԼԻԶԱ — Ո՛հ, թող այստեղ լինի, նա էլ գիտէ այդ գաղտնիքը . . .

ՄԱԹՈՍ — (Չարմացած նրա այդ վարմունքից) չէ՛ . . .

ԼԻԶԱ — (Նշանացի լռեցնելով) Գնց, Մաթնոս . . . չն, Բարսեղ, դու պիտի երգես՝ անտարբեր լինել . . .

ԲԱՐՍԵՂ — Լիզա, կատակ ես անում . . .

ԼԻԶԱ — Ո՛հ, տեսնում ես լուրջ եմ խօսում:

ԲԱՐՍԵՂ — Է՛հ, գնանք, Լիզա, ուշանում ենք, ճանապարհին կասես . . .

ԼԻԶԱ — Ես պահանջեցի անտարբերութիւն, բայց ո՛չ այնքան, որ չես ուզում ինձ լսել խալ: (Մաթնոսը կամացիկ թխկացնում է շկաֆը, Ղարագեօզեանը սարսափում է):

ԲԱՐՍԵՂ — Ասիր, սիրելիս, ես լսում եմ քեզ:

ԼԻԶԱ — Երգւիր, Բարսեղ, խնդրում եմ, երգւիր իմ անունով, որ անտարբեր պիտի լինիս:

ԲԱՐՍԵՂ — Լնա, երգում եմ քո անունով, որ անտարբեր պիտի լսեմ . . .

ԼԻԶԱ — չն, լնա . . . Գիտես, այսօր քո բարեկամ պարոն Ղարագեօզեանը նորից եկել էր

մեր տուն: (Չարմացք Մաթնոսի եւ սարսափ Ղարագեօզեանի կողմից):

ԲԱՐՍԵՂ — Այն հրէջը մեր տուն . . .

ԼԻԶԱ — Օ՛ . . . այդ չեղաւ, դեռ ոչինչ չասած՝ գրգուռւմ ես . . . Է՛հ, ուրեմն ես այլևս չեմ շարունակի . . .

ԲԱՐՍԵՂ — Ասիր, խնդրում եմ, Լիզա, յետոյ . . . Նու ասիր, ես կըլուեմ . . .

ԼԻԶԱ — չն, եկել էր մեր տուն: Ես յանկարծ մտնում եմ այս սենեակը և տեսնում այս մեր խելօք Մաթնոսը նրան . . . (Բարսեղը նայում է Մաթնոսին: Մաթնոսն ասում է. „չէ՛“ . . . բայց Լիզան նշանացի հասկացնում է նրան, որ լռի: Մաթնոսը շարունակ Չարմացք է արտայայտում):

ԲԱՐՍԵՂ — Է՛, յետոյ . . .

ԼԻԶԱ — Պարոնը երբ ինձ տեսնում է՝ մօտենում և . . .

ԲԱՐՍԵՂ — Դէ ասիր, Լիզա, ինձ մի սպանիր, յետոյ . . .

ԼԻԶԱ — Դու դարձեալ գրգուռւմ ես, Բարսեղ, եթէ այդպէս է՝ չեմ շարունակի, ուրեմն դու իմ անունովս սուտ երգեցիր:

ԲԱՐՍԵՂ — Ննա, մի տանջիր, Լիզա, ասիր ի սէր Աստուծոյ, յետոյ . . .

ԼԻԶԱ — 2է՛, Բարսեղ, այդ լաւ բնաւորութիւն չէ, դու դարձեալ շարունակում ես դիւրազրգիւ լինել . . .

ԲԱՐՍԵՂ—Լնւ, Լիզա, չեմ գրգուիլ, միայն ինդրում եմ ասիր . . . յետոյ:

ԼԻԶԱ—Ի՞նչ յետոյ, յետոյ էլ այն, որ նա ուզում էր խօսել, ինչ-որ „Ազնիւ տիկին“ „ազնիւ տիկին“ յորջորջել, բայց ես թոյլ չը տւի խօսելու և պահանջեցի, որ դուրս կորչի . . .

ԲԱՐՍԵՂ—(Մաթոսին) Հ՛ը, սատկես դու, բայ չը կարողացար շնաստակ անես . . .

ՄԱԹՈՍ—Հէ, ազա ջան, խանրմը թողուց ո՛չ . . . ուղըմ ես հըմի քլօլեմ:

ԼԻԶԱ—(Մաթոսին) Լաիր . . . (Բարսեղին) Հն, յանկարծ լսեցինք քո ձայնը և վախեցանք՝ մի՛ գուցէ արին ձգես այս տան մէջ և հազիւ մի քանի օր է՝ որպէս ճշմարիտ ամուսիններ, իրար հետ քաղցր, երջանիկ ապրում ենք, մի նոր դժբախտութեան մէջ ձգես մեզ . . . ես ու Մաթոսը թաղցրինք, որ դու չը տեսնես:

ԲԱՐՍԵՂ—Ուրեմն նա այստեղ է: (Յուզւած դուրս քաշելով զրասեղանի արկղը և վերցնելով ատրճանակը) Յոյց տուր ինձ, Լիզա, ՚ի սէր Աստուծոյ, ցոյց տուր ինձ, թող այս վեց գնտակը նրա կուրծքը լցնեմ՝ մի սիրտս հովանայ, թող այնուհետև ինձ Սիրիր տանեն, թող ինձ կախազան բարձրացնեն:

ՄԱԹՈՍ—(Դէպի պահարանը) Ադն, հազրւիր, հլէ սրօլն էկաւ ջանիդ:

ԲԱՐՍԵՂ—Ասիր, Լիզա, սըր է այն հրէշը, ցոյց տուր:

ԼԻԶԱ—Ահն այդ շկաֆի մէջն է, այս էլ քեզ բանալին:

(Բարսեղը՝ մի ձեռքին ատրճանակը, միս ձեռքով յափշտակում է Լիզայի ձեռքից բանալին):

ԼԻԶԱ (Բանալին տալու ժամանակ ծափ տալով և ծիծաղելով) „Եագ՛ա՛ստ“:

(Բարսեղը մտում է ապշած, բանալին ձեռքից ընկնում է):

ՄԱԹՈՍ—(Չը կարողանալով ինքն իրան հաշիւ տալ) Եա՛հ . . .

ՎԱՐԱԳՈՅՐ



ՅԵԿ. ՂԱԶԱՐԵԱՆԻ ԱԾԽԱՏՈՒԹԻՒՆՆԵՐԻՑ

ՏՊԱԳՐԻԱՆ ԵՆ

ԹԱՍԻՔ, Տաճկահայերի կեանքից	20 կոպ.
ԳՈՒԼԷ, Բրդական կեանքից	15 կ.
ՓԷՐՕ, Բրդական կեանքից	15 կ.
ԽՈՒՆ-ԽՈՐ, Տաճկահայերի կեանքից	60 կ.
ՄԱՆԿԱԿԱՆ ԲԵՄ Ա.	15 կ.
ԳԱՂԹԱԿԱՆՆԵՐ, Մանկ. քնմ Բ.	10 կ.
ԵԱԴԱՍՏ, վոդ. մէկ արարած.	25 կ.
ՊԱՏԱՆԻ ՀԵՐՈՍԸ, Հայ լեռնակ. կեանքից.	

ՊԱՏՐԱՍ ԵՆ

ՏԱՅՐԷ ՍԻՄԸՐ, Բրդական լէզէնդա	
ԱՈՒԶԷԹ, Բրդական կեանքից.	
ԻՓԱՐԻ ԱՅՕՆ, Տաճկահայերի կեանքից.	
ԶԱՓՕ, Բրդական կեանքից.	
ԱԶԳԱՅԻՆ ՍԱՅԼԸ, պարսկահայերի կեանք:	

Դիմել՝ Тифлисъ, Книжн. Магазины
«Гутенбергъ».



